



**Inatsisartut Ombudsmandiat
2023-mi ukiumoortumik nalunaarut**

Inatsisartut Ombudsmandiat

Noorlernut 53
Postboks 1606
3900 Nuuk
Tlf. +299 32 78 10
www.ombudsmandi.gl

Ukiumoortumik nalunaarummi:

Inatsisartut Ombudsmandiat pillugu Inatsisartut inatsisaat nr. 7, 1. juni 2017-imeersoq Ombudsmandi pillugu inatsimmik taaneqartarpoq.

Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq kingusinnerusukkut allannguuteqartinneqarsimasoq suliassat suliarineqartarnerat pillugu inatsimmik taaneqartarpoq.

Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq kingusinnerusukkut allannguuteqartinneqarsimasoq paasitinneqarsinnaatitaaneq pillugu inatsimmik taaneqartarpoq.

Isumaginninnermik Suliassaqarfimmi pissaanermik atuisarneq pillugu Inatsisartut inatsisaat nr. 1, 21. november 2013-imeersoq kingusinnerusukkut allannguuteqartinneqarsimasoq pissaanermik atuisarneq pillugu inatsimmik taaneqartarpoq.

Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq meeqqanik tapersersuisarneq pillugu inatsimmik taaneqartarpoq.

Piniarneq aallaaniarnerlu pillugu Inatsisartut inatsisaat nr. 12., 29. oktober 1999-imeersoq kingorna allannguutitalik, matuma kingorna piniarnermi aamma aallaaniarnermi inatsit.

Ukiumoortumik nalunaarut Ombudsmandip nittartagaani www.ombudsmandi.gl-imi PDF-itut aaneqarsinnaavoq.

330-nngorlugu naqiterneqarpoq

Ilusilersuisoq: iCICERO, grafisk produktion Nuuk

Naqiterivik: Johnsen Graphic Solutions A/S

Assit: Henrik Bach (saqqaa aamma quppernerit 10 aamma 50)

Monica Schnügger (quppernerit 3, 6, 27, 40, 52, 62, aamma 64)

Gedion Jeremiassen (quppernerit 28, 58 aamma 61)

ISSN: 2245-1382

INATSISARTUNUT

2023-mi ukiumoortumik nalunaarutiga Ombudsmandi pillugu inatsimmi § 10, imm. 1 innersuussutigalugu matumuuna saqqummiuppara.

Nuuk, april 2024

Gedion Jeremiassen



IMAI

1 UKIOQ QAANGIUTTOQ	7
2 ALLAASERISAT	11
2.1 Isumaginninnermi Naammagittaalliuuteqartarfimmit kommunip aalajangi- gaanik suliarineqaqqaarfianut utertitsinnermi inatsisitigut sunniutai.....	11
2.2 Kommunip aalajangiineratigut meeqqat angerlarsimaffiup avataanut inis- sinneqarneranni imaluunniit angerlartinneqaranni meeqqat naammagit- taalliuuteqarsinnaatitaanerat	15
2.3 Inatsimmik naapertuuttumik tunngaveqartussaaneq aamma ersarissumik qularnaatsumillu inatsisitigut tunngaveqarneq	23
3 SULIAT TAMANUT SAQQUMMIUNNEQARTUT	29
3.1 Kommunip suliamik suliarinninnerminut piffissaq atugaa suliamillu sulia- rinninnera suliami (2023-1) siusinaartumik sulisinnaajunnaarnersiuteqa- lernissami akuerineqarsinnaanngitsut	29
3.2 Naalackersuisut aalajangernerat inatsisikkut tunngavigisatut atuussin- naassuseqanngilaq. Naalackersuisoqarfik inatsimmik naapertuuttumik tunngaveqartussaaneermik piumasaqaat tunngavigalugu iliuuseqarsiman- ngilaq (2023-2).....	31
3.3 Kommunep suliamik soraarsitsinnermut tunngasumik suliarinninnera kuk- kussutillu pillugit qisuariannginnera isorisariaqartuusoq (2023-3).....	33
3.4 Avannaata Kommuniata suliamik suliarinninnginnera piffissap suliamik su- liarinninnermut atorneqartup ukiut sisamat sinnerlugit sivilissuseqarne- ranik kinguneqarpoq (2023-4).....	34
3.5 Kommunip angerlartitsisoqarnissaanik aalajangiisimannginnera kommu- nillu inissiisoqarnissaanik aalajangiinermik atuutsitsisimannginnera akuerineqarsinnaanngilluinnartoq (2023-5).....	35
3.6 Kommunep utoqqaat illuanni najugaqartussamik pineqartoq akuersitinnagu inissiisimanera pissaanermillu atuisarneq pillugu inatsimmik taamani atuuttumik malinissimannginnera isorisariaqarluinnarpoq (2023-6).....	36
3.7 Ukiumoortumik nalunaarutinut siusinnerusukkumeersunut malitseqartit- siviginneq.....	38

4	SULIAT ALLAT	41
4.1	Allattuisussaatitaanerup malinneqannginnerata kingunerivaa ombudsmandip suliamik suliaqarnissaraluaminik unititsineranik.....	41
4.2	Nuna tamakkerlugu nalunaarutiginnittarfik	43
4.3	Ombudsmandip pisinnaatitaanerani ilaatinneqanngillat ingerlatseqatigiiffiit/aktietileqatigiiffiit Namminersorlutik Oqartussanit pigineqartut	45
4.4	Ombudsmandip inatsisit aamma ilitsersuutit imminnut naapertuutinggerat pillugu misissuinera	46
4.5	Soraarnissaq pillugu isumaqatigiissutit tamakkiisumik inaarutaasumillu aalajangiiffigisat illuatungeriit akornanni qanorluunniit piumasaaqatitallit pillugit naammagittaalliuutit ombudsmandimit suliarineqarneq ajorput	48
5	OMBUDSMANDI PILLUGU INATSIMMI § 11 TUNNGAVIGALUGU NALUNAARUTIGINNINNEQ	51
6	MISISSUINERIT	53
7	TIKERAARNERIT ANGALANERILLU	59
8	SULISUT	63
9	KISITSIT ATORLUGIT TAKUSSUTISSIAT	65



Ammassivimmi innuttaasut septemnerimi periarfissaqarput ombudsmandip sulisuinik oqaloqateqar-nissaminnik.

UKIOQ QAANGIUTTOQ

Ombudsmandimit Gedion Jeremiassenimit

Ombudsmanditaaq, ajornartorsiutitoqqat

Vera Leth ombudsmanditut tunuarpoq 31. juli 2023-mi, atorfik 1. februar 1997-imiilli toqqagaaqqiffiugartarsimareerlugu. Vera Leth atorfimminiippoq ukiut 26-t sinnerlugit taamaalillunilu Nunani Avannarlerni sivisunerpaamik ombudsmandiusimalluni.

Nalunaarusioqqaarninni Vera Leth ukiorpassuarni inuiaqatigiinni sulisimanera pillugu qutsavigissavara soraarnertullu inuuneqalernerani ajunnginnerpaamik kissaallugu.

Suliassat suliarineqartarnerat pillugu inatsit aamma pisortat oqartussaataaasa aamma innuttaasut akornanni inatsit 2024-mi ukiut 30-nngortorsiutitigineqassapput. Inatsisit tamakku pingaarutillit atuutsinneqarnerini suli ersertarput nunap suatungaaniineq, piginnaasatigut aamma sulisussaqaarniarnikkut unammilligasatigut, innuttaasuni aamma ingerlatsinermi pisortat oqartussaataanni.

Ukiuni kingulliunerusuni Vera Lethip nalunaarusiaani uteqqiasumik oqaatigineqartarpoq, ombudsmandeqarfimmut ukiut ingerlanerini unaminarnerpaasimasoq pisortat oqartussaataannut, pingaartumillu kommuninut tunngaviusumik ingerlatsinermi inatsisitigut malittarisassat malitsinniarneri. Ombudsmandip nalunaarutaani 2020-mi 2021-mi aamma 2022-mi Vera Lethip oqaatigivaa, ukiut ingerlanerini ingerlatsinermi inatsisit tungaasigut annerusumik pitsanngoriartoqarsimanngitsoq, tamatumani pisortat tunngaviusumik ingerlatsinermi inatsisilerinikkut kukkusarneri akulikippallaarlutik, ilaatigut suliat suliarineqartarnerini inatsimmi malittarisassani aalajangersagaareersut allattariarnikkut, tunngavilersuinikkut, innersuussinikkut aamma naammagittaalliuteqarnissamik iltersuussinikkut.

Uanga pisariartippara naammattumik eqqortumillu pissutsit qanoq innerinut paasisimasaqafiginnileqqaarnissara. Maannamuugallartorli malugisinnaasanni Vera Lethip nalilersuineri tamatumani isumaqatigalugit. Tamanna pissuteqarpoq uanga eqqartuussis-suserisutut/advokatitut aamma eqqartuussisoqarfinni ukiuni 21-ni illersuisutut sulininni isiginnittuuffigisimasannit, aamma isiginnittuuffigisimagakkit amerlavallaatigut kommunini meeqqanut- ilaqutariinnullu nalorninartumik sullissisarnerat.

Inatsisartut, ombudsmandip nalunaarutaa 2022-meersup suliarineqarnerani ombudsmandeqarfiup meeqqanut- ilaqutariinnullu ukkatarinninnera nersualaarmassuk kajumissaaruteqarlutillu suliat tamatumunnga tunngasut salliutinneqarnissaannik. Tamannalu qanoq iliuuseqarfiginialersaarpara.

Tamanna tunngavigalugu pisortat aalajangiisarnerinut aamma naatsorsuutaannut ilapertuutaasutut isumaqarfigivara pisortat aalajangiisarneranni aamma ingerlatsinikkut

suliaqarnermi inatsisilerinikkut itinerusumik paasinninnerulernissamut atatillugu, ombudsmandeqarfik 2023-mi naalakkersuisoqarfinnut kommuninullu tamanut inatsisitigut ilitersuutitut najoqqutassamik annertuumik nassiusuisimammat, (Myndigheds-guide). Pisortat oqartussaataitaannut ilitersuummi saqqummiunneqarput qitiusumik sammisat ingerlatsinikkut inatsisilerinermi malittarisassanut pingaarutilinnut atugasat, inatsisitigut atuagassianik tunngaveqartut aamma ombudsmandip ukiut ingerlannerini oqaatigisartagaasa ataqatigiissaarneqarnerisigut. Pisortat oqartussaataitaannut ilitersuutip nassiusorneqarneranut peqatigitillugu innersuussuteqarpugut, suliniut ingerlateqqinneqassasoq pisortanut aamma sulianik sullissisunut tamanut, taakununga aqutsisoqarfiit aamma suliffeqarfiit pingaarutilit ilanngullugit.

Naggataatigullu aamma pisortat oqartussaataitaannut ilitersuut Kalaallit Nunaanni nalinginnaasumik innuttaasunut tamanut aamma ombudsmandeqarfiup nittartagaani aaneqarsinnaasunnngortinneqarpoq.

Pisortat oqartussaataitaannut ilitersuut immikkoortut 12-inngorlugit suliaavoq. Immikkoortut imminnut ataqatigiissinnagut atuarneqarsinaapput, innersuussutit pingaarutilit immikkoortunut ataasiakkaanut taputartuutaagamik.

Immikkoortuni 12-ine pineqarput:

- Ingerlatsinermi ileqqorissaarneq
- Piffissaq suliamik suliarinninnermut atorneqartoq
- Aalajangiinermik oqartarneq
- Tunngavilersuisarneq
- Oqartussaasut paasisutissanik pisariaqartunik peqartussaanerat
- Suliami illua ´tungiusup sinniisoqartarnera
- Suliami illua ´tungiusumik oqartarneq
- Suliami illua ´tungiusup isumaanik tusarniaasarneq
- Ilitersuisussaataitaaneq
- Oqartussaasumi sulianik suliarinninnermi peqataasinnaassuseqannginneq
- Allattuisussaataitaaneq
- Nalunaarsuisarneq

Neriutigivara ombudsmandeqarfiup pisortat oqartussaataitaannut ilitersuummik pilersitsinermigut peqataaffigisinnaagaa pisortat sulianik suliaqartarnerisa nalimmasaaffiginissaanut.

Inatsisartut Ombudsmandiatut 1. august 2023-mi atorfinippunga.

Nuannaarutigisorujussuara Inatsisartut taamaaliornermikkut uannut tatiginnillutik takutitsinerat, annertuumillu soqutiginnillunga nutaatut sulilerninni unamminartorpassuit naammattoortarumaakkakka pillugit qilanaarlunga.

Ombudsmanditut suliat taamaallaat pisortat ingerlatsineranni, pisortat oqartussaaffiisa ataanni inatsisit atuuttut aamma pitsaasumik ingerlatsinermi ileqqut nakkutiginnittutuinnaq isumaqarfigissallugit isiginngilakka. Ombudsmanditut sulinermi qilanaarivara periarfissatullu isigalugu, pitsaasumik ingerlatsinermi ileqqunik pisortat oqartussaaitaasa paasinninnerat ukiuni tulluittuni annertusiartuaartitseqataaffigisinnaallugu, tunngaviusumik ingerlatsinermi inatsisitigut malittarisassat malinneqarnissaanni aamma ataqinnittumik innuttaasunik sullissinermi.

Naliliinera imaappoq, ukiut ingerlanerini ombudsmandeqarnerup isumaa innuttaasunut annertuumik qaffariaateqarsimasoq. Tamanna takusinnaavara ukiut tamaasa innuttaasut ombudsmandeqarfimmut saaffiginnittarnerisa qaffakkiartuinnarnerisigut. Taamaalillutik ombudsmandeqarfimmi suliat ukiumut naammassineqartartut ukiuni kingulerni tallimani 127-niit 305-inut qaffariaateqarsimallutik, assigalugu 140.2%-imik. Piffissamilu tamatumani innuttaasunik ilitsersuisarneq 176-iniit 250-inut qaffariaateqarsimalluni, assigalugu 42%-imik.

Maluginiarpara kalaallisuinnaq oqaasillit saaffiginnittartut naammagittaalliuuteqartartullu amerleriarsimanagerat, pingaartumik 2023-mi. Tamanna imatut paasivara, "Sakæusip aamma Benjaminip" pisinnaatitaaffimminnik qaammaasaqalernerulersimanagerattut.

Qilanaarpunga nuna tamakkerlugu ombudsmandeqarfiup misissuiartortarnissaasa peqataaffiginissaannut. Taamaalillunga periarfissinneqassagama pisortani atorfilippasuit naapinnissaannut, taakkuami ullut tamaasa inuiaqatigiinnik pitsaanerpaamik sullissiniartuummata. Peqatigitillugu uannut sinerissami innuttaasut ilassisinnaallugillu tusarnaarnissaat periarfissaavoq, taakku nunatsinni pisortat oqartussaaitarpassuunik aamma suliffeqarfippassuunik attaveqartuummata.

Taamaalillunga ombudsmandeqarfiup misissuiartortarnerisa salliutinneqarneri ingerlattiinnarniarpakka.

Taamatut 2023-mi nalunaarusianni aallarniuteqarlunga tamassi atuarluarisi.



2.1 Isumaginninnermi Naammagittaalliuuteqartarfimmit kommunip aalajangigaanik suliarineqaqqaarfianut utertitsinnermi inatsisitigut sunniutai

Immikkut siunnersortimit Monica Schnüggerimit

Ukiup ingerlanerani ombudsmandi kommunip suliaqarnermini piffissaq atugaa pillugu naammagittaalliuutinik tigusaqartarsimavoq, tassani Isumaginninnermi Naammagittaalliuuteqartarfik pineqartup kommunerisaanik aalajangikkamik suliarineqaqqaarfianut utertitsisarsimavoq nutaamik suliareqqitassanngortitsilluni. Ombudsmandi isumaqarpoq kommuninit unammillernartoqartissinnaagaat qanoq isumaqarnerseq paasisallugu Isumaginninnermi Naammagittaalliuuteqartarfiup suliamik nutaamik suliarisas-sanngortitsilluni suliarineqaqqaarfianut utertitsisarnera.

Uani allaaserisami paasisutissiissutigineqassaaq aallaavittut innuttaasq qanoq inis-simasarnerseq, Isumaginninnermi Naammagittaalliuuteqartarfik kommunip aalaja-ngigaanik nutaamik aalajangiisooqarnissaanik suliap suliarineqaqqaarfianut utertitsigaa-ngat.

Qisuariaatissat suut Isumaginninnermi Naammagittaalliuuteqartarfiup periar-fissarivai?

Kommuni isumaginninnerup iluani innuttaasq pillugu aalajangiisimappat, innuttaasq amerlanerpaatigut periarfissaqassaaq Isumaginninnermi Naammagittaalliuuteqartar-fimmut aalajangigaq pillugu naammagittaalliuuteqarnissamik. Tamanna atuuppoq as-sersuutigalugu kommunimit siusinaartumik sulisinnaajunnaarnersiuteqalernissaq pil-lugu, pisortat ikiorsiissutaat pillugit imaluunniit meeqqap inissinneqarneranik aalaja-ngiisimasooqartillugu.

Innuttaasq Isumaginninnermi Naammagittaalliuuteqartarfimmut naammagittaalliuu-teqarpat, taava naammagitaalliuutinik aalajangiisartut arlalinnik qisuariaataasinnaasu-nik periarfissaqarput. Periarfissat pineqartut inatsisitigut aalajangersugaanngillat, ki-sianni periususartunik aamma nalinginnaasumik inatsisitigut periutsit malillugit tun-ngaveqarlutik.

Isumaginninnermi Naammagittaalliuuteqartarfik naammagittaalliuutip suliarinissanut **itigartitsinissamik** periarfissaqarpoq. Isumaginninnermi Naammagittaalliorparfiup aal-laavittut naammagittaalliuut itigartitsissutigisinnaavaa inatsisitigut ersersinneqarpat naammagittaalliornissamut piffissaliussaq qaangiussimappat, imaluunniit naammagit-taalliorparfik naammagittaalliummik suliaqarnissaminut pisinnaatitaaffeqanngippat. Itigartitsineq isumaqarpoq, suliaq naammagittaalliuuteqarfimmit suliarineqassanngit-soq aamma naammagittaalliuut isummerfigineqassanngitsoq.

Aamma Isumaginninnermik Naammagittaalliuuteqartarfik kommunip aalajangigaanik **atuutsitsiinnarnissamik** periarfissaqarpoq. Naammagittaalliortarfik aalajangikkamik atuutsitsiinnaraangat, tassani kommunip aalajangiisimanagera isumaqatigineqartarpoq, tamannalu isumaqarluni naammagittaalliortarfiup kommunip aalajangiinera isumaqatigigaa, taamaattumillu naammagitaalliuuteqartoq naammagittaalliuutiminik isumaqatigineqarani.

Ilaannikkut Isumaginninnermi Naammagittaalliuuteqartarfiup kommunip aalajangigaa-nik atuutsitsiinnarsinnaavoq, kisiannili inerniliissutip tunngavilersornera allannngortillugu. Assersuutigalugu imaattoqartillugu, kommunip malittarisassani tunngavimmik innersuussuteqarnera kukkusuusimappat imaluunniit amigarsimappat naak, inerniliussaq eqqortuugaluarluni.

Taamatullu aamma Isumaginninnermi Naammagittaalliuuteqartarfik kommunimut aalajangerneqarsimasumik **allanguinissamik** periarfissaqarpoq. Naammagittaalliuuteqartarfik aalajangikkamik allanguippat tamanna isumaqarpoq, kommunip aalajangiineraanik naammagittaalliuuteqartarfik allanguisoq. Naammagittaalliuuteqartarfik aalajangerpat kommunep aalajangigaanik allannngortitsiniarluni, kommunep aalajangigaa atuukkunnassaaq. Naammagittaalliuuteqartarfiullu aalajangiinera atuutilissalluni.

Isumaginninnermi Naammagittaalliuuteqartarfik aamma aalajangikkamik **atorunnaarsitsisinnaavoq**. Naammagittaalliuuteqartarfiup aalajangikkamik atorunnaarsitsinera isumaqarpoq, kommunip aalajangiinera eqqunngitsuusoq atuukkunnaarlunilu. Assersuutigalugu imatut pisoqarsimasinnaavoq, kommuni aalajangiisimasoq inatsisitigut aalajangiinissaminut tunngavissaqarani.

Naggataatigullu Isumaginninnermi Naammagittaalliuuteqartarfik aalajangiinerep **suliarineqaqqaarfianut utertitsisinnaavoq**. Naammagittaalliuuteqartarfik aalajangikkamik suliarineqaqqaarfianut utertitsigaangat, tamanna ima isumaqarpoq, suliaq naammagittaalliuuteqartarfiup kommunimut utertikkaa, kommunilu nutaamik aalajangeeqqissalluni. Assersuutigalugu imaattoqarsinnaalluni, kommuni suliamik aalajangiilertinnani suliamut paasisutissanik misissuilluaqqaarsimanani aalajangiisimappat. Kommuni nutaamik aalajangeeqqereerpat innuttaasoq Isumaginninnermi Naammagittaalliuuteqartarfik nutaamik naammagittaalliuuteqarfigeqqissinnaavaa innuttaasumit kommunip aalajangeeqqinnera naammagineqanngippat.

Kommunip nutaamik aalajangeeqqinnissaata tungaanut suna atuuppa?

Isumaginninnermi Naammagittaalliuuteqartarfik suliarineqaqqaarfianut utertitsippat immikkut nalilersugassaavoq innuttaasup inissisimanagera, kommunep suliami nutaamik aalajangeeqqinnissata tungaanut.

Ilaatigut ima pisoqarsinnaasarpoq, aalajangigaaq atorunnaarsinneqartariaqassalluni. Tassa imaappoq – innuttaasoq ima inissisimalissaaq – suliarineqaqqaarfianut utertitsinnermiit kommunip nutaamik aalajangiinissaata tungaanut aalajangiivigineqarsimanngitsutut inissisimalissalluni. Allatigut suliarineqaqqaarfianut utertitsineq isumaqar-

poq kommunip nutaamik aalajangeeqinnissaata tungaanut aalajangiinerup atuunneranik.

Aallaaviusartoq ersarissorujussuaq unaavoq, Isumaginninnermi Naammagittaalliuuteqarfiup suliap suliarineqaqqaarfianut utertitsinera imatut isumaqassasoq, naammagittaalliuuteqartarfik kommunip aalajangiineranik atorunnaarsitsissasoq, taamaalillunilu aalajangiinerugaluq atorunnaarsinneqarluni.

Aalajangiinerup atorunnaarsinneqarnera ima isumaqarpoq, suliap suliarineqaqqaarfianut utertinneqassasoq, innuttaasullu aalajangiussaagaluq pisinnaatitaaffittut toq-qammaviginnaajunnaarlugu. Peqatigitillugu kommuni aalajangikkamik innuttaasumut pisussaaffiliisinnaanani.

Isumaginninnermi Naammagittaalliuuteqartarfiup aalajangikkap suliap suliarineqaqqaarfianut utertinnerani innuttaasup qanoq inissisimalernerani taamaalilluni apeqqutaalerpoq kommunep aalajangiinnginnerani innuttaasoq qanoq inissisimasimanersoq. Taamaalilluni allatut oqaatigalugu inatsisitigut inissisimanagera aalajangiineq sioqqullugu inissisimanageratut inissisimalissamat.

Tamatuma kingornatigut kommunip nutaamik aalajangiinerani, imaassinnaavoq suliap suliarineqaqqaarfianut utertitsinnermi aalajangigaasimasup assinganik aalajangiisoqaqqittoq. Taamaattorli suliamik suliarineqaqqaarfianut utertitsinnermi aalajangiussaasumi kukkuneq iluarsiiqqineqaqqaartussaasimalluni.

Isumaginninnermi Naammagittaalliuuteqartarfik periarfissaqarpoq suliap suliarineqaqqaarfianut utertitsinissamik tassanilu kommunimut eqqumaffigeqqullugu kommunip aalajangiinera suli atuutitinneqassasoq kommunip nutaamik aalajangiinissaata tungaanut.

Aammattaq Isumaginninnermi Naammagittaalliortarfik periarfissaqarpoq aalajangiinnaalluni aalajangikkap ilaanik atorunnaarsitsinissamik, aalajangiinerullu taannartaani kommune nutaamik aalajangeeqqassasoq. Peqatigitillugu naammagittaalliortarfik aalajangiissaq, aalajangikkap ilaata suli atuutitiinnarneqarnissaanik. Taamaattoqartilugulu Isumaginninnermi Naammagittaalliuuteqartarfiup aallaavittut suliap suliarineqaqqaarfianut utertitsinnermi tamanna oqaatigissavaa.

Ombudsmandip naammagittaalliuutinik suliaqartarnera

Ombudsmandi innuttaasumit naammagittaalliummik 2023-mi tigusaqarpoq. Kommune pisortat ikiorsiissutaannik aalajangeeqqaarnerup kingornatigut nutaamik aalajangi-gaqarpoq, tassanilu kommune pisortat ikiorsiissutaannik tunniussisarnerminik unitsitilluni. Aalajangiineq tamanna innuttaasumit Isumaginninnermi Naammagittaalliuuteqartarfimmut naammagittaalliuutiginerpoq, Isumaginninnermilu Naammagittaalliuuteqartarfimmit aalajangiineq suliap suliarineqaqqaarfianut utertinneqarluni.

Tamatuma kingorna innuttaasoq ombudsmandimut naammagittaalliuuteqarpoq, tassa

kommunemit innuttaasup pisortat ikiorsiisutaannik tunineqartarnera suli uninngatin-neqarmat.

Suliami tamatumani ombudsmandi naliliivoq kommuni innuttaasumut pisortat ikiorsiis-sutaannik tunniussisariaqaraluartoq nutaamik aalajangeqqittoqarnissaata tungaanut, immaqa allannguuteqarsinnaasumik. Taamaalluni ombudsmandi naliliivoq suliamik su-liap suliarineqaqqaarfianut utertitsinermi kommunep aalajangigaanik pisortat ikiorsiis-sutaannik tunineqartarnissaannik innersuussuteqarneq kommunemit atorunnaarsinne-qarsimasoq. Taamaattumillu innuttaasooq imatut kommunep pisortat ikiorsiisutaannik tunniussisarnerata unitsinneqarnissaa suli aalajangiiffigineqarsimanngitsutut inissisi-matinneqartussaagaluarluni.

Ombudsmandi innuttaasumit naammagittaalliummik 2023-mi tigusaqarpoq, taan-na meeqqamik paarsaqartuuvoq. Innuttaasooq kommunemut noqqaassuteqarsimavoq marloriaammik paarsinersiuteqalerniarluni, tamannalu kommunemit malinneqarsima-voq. Tamatuma kingornatigut kommune aalajangiivoq marloriaammik paarsinersiute-qarneq atorunnaarsillugu, kingornatigullu kommunemit paarsinersiutit ataasiinnaan-ngortillugit tunniunneqartalerlutik. Aalajangiineq tamanna innuttaasumit Isumaginnin-nermi Naammagittaalliuuteqartarfimmut naammagittaalliuutigineqarpoq, taakkunan-galu suliaq suliarineqaqqaarfianut utertinneqarluni.

Tamatuma kingorna innuttaasooq ombudsmandimut naammagittaalliuuteqarpoq, kom-munimit suliap utertinneqarnerata kingornatigut marloriaammik paarsinersiuteqarne-rit aallarteqqinneqaratik paarsinersiutinik ataasiinnarmik tunniussisarmata.

Suliami tamatumani ombudsmandittaaq naliliivoq kommunip marloriaammik paarsi-nersutit tunniuttartussaasimagaluarai, kommunip allannguisumik nutaamik aalajangiis-suteqarnissaata tungaanut.

Isumaginninnermi Naammagittaalliuuteqartarfimmit periuserineqartoq

Ombudsmandi allaaserisap matuma suliarineqarnerani Isumaginninnermi Naammagit-taalliuuteqarfimmut saaffiginnissimavoq. Isumaginninnermi naammagittaalliuuteqar-tarfimmit oqaatigineqarpoq siunissami siusinnerusumut naleqqiullugu annertunerujus-suarmik innuttaasunut aalajangiinernut atatillugu suliap suliarineqaqqaarfianut uter-titsinermi inatsisitigut innuttaasumut kingunerisai nassuiaatigineqartalissapput. Taa-maalillutik siusinnerusumut naleqqiullugu innuttaasup aamma kommunip annertuneru-sumik ilisimassammassuk innuttaasooq qanoq inissisimanersoq suliami kommunip sulia-mi nutaamik aalajangiinissaata tungaanut.

2.2 Kommunip aalajangiineratigut meeqqat angerlarsimaffiup avataanut inissinneqarneranni imaluunniit angerlartinneqaranni meeqqat naammagittaalliuuteqarsinnaatitaanerat

Immikkut siunnersortimit Lili Rasmussenimit

Ilanngutassiami matumani pineqarpoq kommuni aalajangiitillugu angerlarsimaffiup avataanut inissiinerami imaluunniit angerlartitsinnermi meeqqat naammagittaalliuuteqarsinnaatitaanerat.

Ilanngutassiami naatsumik allaaserineqarpoq kommunip aalajangiinerani suliami ataatsimi pineqartumi naammagittaalliorsinnaanermut ilitsersuutitalimmik meeqqamut nalunaaruteqartussaana.

Ilanngutassiami naatsumik allaaserineqarpoq taamatut pisoqartillugu kommunip aalajangikkaminik naammagittaalliuuteqarnissamik ilitsersuutitalimmi suliaq pineqartoq pillugu meeqqamut nalunaarutiginninnissaa. Meeqqap illersuisuata suliaassaa suliap kommunimit suliarineqarnerani allaaserineqassaaq ilanngutassiallu naanerani eqqaaneqarput ombudsmandimi suliat marlussuit, tassani ombudsmandi oqaaseqarpoq meeqqat naammagittaalliorsinnaanermut pisinnaatitaaffiat pillugu. Naggataatigullu ilanngutassiaq immikkoortumik imaqarpoq meeqqat nalinginnaasumik ombudsmandimut naammagittaalliorsinnaanerannut periarfissaq pillugu.

Meeqqanik tapersersuisarneq pillugu inatsit 1. juli 2017-imi atuutsinneqalerpoq. Aalajangersakkat arlallit siunertarivaat meeqqat pisinnaatitaaffiisa nukittorsarneqarnisaat aamma Nalagaaffiit Peqatigiit Meeqqat pillugit Isumaqtigiissutaata ilanngutsinneqarnissaa.

Meeqqanik tapersersuisarneq pillugu, inatsimmi aalajangersagaq meeqqat suliani imminut tunngasutigut naammagittaalliorsinnaatitaaneranni, meeqqat naammagittaalliorsinnaatitaanerannik nukittorsaaneruvoq. Inatsimmi taamaalluni Naalagaaffiit Peqatigiit Meeqqat pillugit Isumaqtigiissutaani ilanngutassiat ilanngunneqarlutik.

Meeqqat illua ´tungiusinnaatitaanerat

Ingerlatsinnermi pisinnaatitsinnermi illua ´tungiliunnermik oqartarnermi pineqarput inuit pingaarutilimmik inatsisitigut imminut tunngassuteqartumi suliap aalajangiiffiqineqarnerani kalluarneqartussatut soqtutigisaqartut. Suliami aalajangersimasumi meeqqamik inissiinissaq aamma angerlartitsinissaq pillugu angajoqqaatut oqartussaassusilik meerarlu illua ´tungeriipput.

Angajoqqaatut oqartussaassusillip aamma meeqqap suliami illua ´tungeriinnerat isumaqarpoq kommunip suliamik suliaqarnerani kommuni aalajangigaqartillugu pisinnaatitaaffeqarnerat. Tamanna atuuppoq assersuutigalugu, kommuni aalajangigaqar-

pat meeqqap angerlarsimaffiup avataanut inissinneqarnissaanik imaluunniit meeqqap angerlartinneqarneranik. Pisinnaatitaaffiit ersersinneqarput suliassat suliarineqartarnerat pillugu inatsimmi. Pisinnaatitaaffittut assersuutitut taaneqarsinnaapput pisinnaatitaaffiit,

- pineqartunik tusarniaaneq,
- tungavilersuuteqarneq,
- illua ´tungiusutut paasitinneqarsinnaatitaaneq, aamma
- aalajangikkamik naammagittaalliuteqarsinnaaneq

Meeqqap 18-it inorlugit ukiullip soqutigisai angajoqqaatut oqartussaassusilimmit isumagineqassapput. Taamaattumik angajoqqaatut oqartussaassusillip meeqqap isumasorneqarnissaa isumagisassarivaa aamma pissutsit meeqqamut tunngasut aalangiiffigisussaavai.

Suliami angerlarsimaffiup avataanut inissiinermi imaluunniit angerlartitsinermi angajoqqaatut oqartussaassusillip meeraq sinniisuuffigivaa meerarlu sinnerlugu pisinnaatitaaffigalugu pisinnaatitaaffimmi atornissaanut, suliassat suliarineqartarnerat pillugu inatsimmi ersersinneqartutut.

Ukiunili kingulliunerusuni ineriartortoqarsimavoq, pissutsit ilaanni meeraq suliani tasunga tunngasut ilaannut immikkut pisinnaatitaaffilersorneqarsimalluni. Imaappoq, meeqqat nammineersinnaasutut aamma inerisimassutsimikkut taamatut pisinnaassilerneqarsimanermik atuisinnaasutut isigineqartut, namminneerlutik pineqartutut pisinnaatitaaffeqartut angajoqqaatut oqartussaassusermik pigisaqartoq pituttorfigingikkaluarlugu.

Danmarkimi meeqqat 15-it sinnerlugit ukiullit aallaavittut namminneerlutik pisinnaatitaaffeqartarput, naak inersimasutut suli nammineersinnaalernikuunngikkaluarlutik. Aamma isumaqartoqarpoq meeqqat 15-it inorlugit ukiullit immikkut nalilersuiffigeerernerisigut taamatut pisinnaatitaanermik atuisinnaasut.

Angajoqqaatut oqartussaassusilik suliami meeqqamik inissiinissami imaluunniit angerlartitsinissami kalluarneqartoq kommunip tamanna pillugu aalajangerneranik allakkanik tigusisussaavoq. Kisianni tamatuma saniatigut meeraq inissinneqartoq imaluunniit angerlartinneqartoq aallaavittut aamma kommunip aalajangiigaanik allakkanik tigusisussaav.

Aalajangiinernik nalunaarutiginninneq

Pisortat oqartussaataitaannit aalajangiqaq suliami illuatungiusumut imaluunniit illua ´tungiusunut nalunaarutigineqassaaq. Illua ´tungiusup arlaat allamit sinniisuuffigineqarpat, aalajangiineq sinniisuutitamut nalunaarutigineqassaaq.

Kommuni aalajangiippat meeqqamik angerlarsimaffiup avataanut inissiinermik imaluunniit angerlartitsinermik, kommunimitt aalajangiineq angajoqqaatut oqartussaassuse-

qartumut nalunaarutigineqassaaq.

Suliassat suliarineqartarnerat pillugu inatsimmi piumasaqaataangilaq aalajangiinerup allaganngorlugu nalunaarutigineqarnissaa. Aamma meeqqanik tapersersuisarneq pillugu inatsimmi aalajangersagaq imaqangilaq aalajangikkap allaganngorlugu nalunaarutigineqarnissaanik.

Illuatungaani ombudsmandimit oqaatigineqarnikuuvoq aalajangigaq oqaasiinnarmik nalunaarutigineqarsimasooq tigusisumullu oqimaatsuulluni allakkatigut uppersarsarneqatariaqartoq, aammalu immikkut kalluaaffiusumik aalajangiinerit pissutsit qanoq isusiat apeqqutaatillugu allakkatigut nalunaarutigineqartariaqartut. Innersuussutigivara ombudsmandip suliaani 2018-4.

Aamma ombudsmandimit oqaatigineqarnikuuvoq, ombudsmandip paasinninnera malillugu angerlartitsinermi aalajangiinermi imaluunniit angerlartitsinissamik itigartitsinermi angajoqqaatut oqartussaassusilimmuut aamma meeqqamut inuusuttumulluunniit isumalerujussuummat. Innersuussutigivara ombudsmandip suliaani 2020-5. Aamma ombudsmandimit oqaatigineqarpoq aalajangikkat angerlartitsinermik imaluunniit angerlartitsinissamut itigartitsinerit allakkatigut nalunaarutigineqartariaqartut, tamannalu atuutissasoq angajoqqaatut oqartussaassusilik meeraq inuusuttorluunniit aamma aalajangiinnermut isumaqataagaluarpataluunniit.

Meeqqanik tapersersuisarneq pillugu inatsit malillugu meeqqat naammagittaalliorsinnaatitaanerak

Meeqqat suliani imminerminnut tunngasuni meeqqanik tapersersuisarneq pillugu inatsit malillugu aalajangikkani naammagittaalliorsinnaatitaapput. Tamanna takuneqarsinnaavoq meeqqanik tapersuisarneq pillugu inatsimmi § 60, imm. 2-mi. Inatsimmit qularnaarneqarpoq meeqqap pisinnaatitaaffii FN-ip Meeqqap Piginnaatitaaffii pillugit Isumaqatigiisummi ilanngussaq 12-ikkut. Meeqqat aamma inatsit pinngortinneqanngikkallarmalli naammagittaalliorsinnaminnut pisinnaatitaaffeqarput. Taamaalluni meeqqat naammagittaalliorsinnaatitaanerak inatsimmit nukittorsarneqarpoq.

Aalajangersakkami ersersinneqanngilaq meeqqat naammagittaalliorsinnaatitaasut aalajangersimasunik ukioqassanersut. Aallaaviuvoq meeqqat tamarmik ukiui apeqqutaatinnagit naammagittaalliorsinnaatitaanerak, meeqqat tamarmik pisinnaatitaaffigimmassuk tusaaneqarnissaaq aamma meeqqamut tunngasunik pissutsinut ilaatinneqarnissaaq.

Meeqqap naammagittaalliorsinnaatitaanerminik atuinissaani piumasaqaataavoq meeqqap aalajangiiffigineqarsimanissaa aamma naammagittaalliorsinnaanermut ilitsersorneqarsimanissaa, aammalu meeqqap paasisimagaa aalajangigaq qanoq isumaqarnerisooq, aalajangikkallu kingunerisassai.

Taamaattumik kommuni suliami pineqartumi piviusorsioortumik tassungaannarnarlu nalilersuissaaq, meeqqap aalajangikkamik nalunaarfiginissaani aamma naammagittaal-

liorsinnaanermut ilitserorneqarneqarnissaani. Tassani kommuni naliliissaaq meeraq ima inerisimassuseqartiginersoq aalajangikkap kingunerisassaaniik paasinnissinnaalluni aamma suliamik naammagittaalliuuteqartoqassagaluarpas. Kommuni qajassuartumik aamma isumaliuutinik meeqqamik naammagittaalliorsinnaanermik ilitseruineranut atatillugu aammalu tamatuma paasissutissiisuutigineqarneranut ilaatinneqartariaqarluni. Aalajangersakkap oqaaseqaatitaani tamanna ersersinneqarpoq.

Kommuni naliliippat meeraq naammagittaalliorsinnaanermut ilitserorneqartariaqartoq, kommuni naammagittaalliorsinnaanermut ilitseruinermini oqaatigissavaa, meeraq qanoq naammagittaalliuuteqassanersoq aamma naammagittaalliuuteqarnissamini tunniussinissami piffissamik kingusinnerpaaffiulussamik.

Meeraq aalajangiiffigineqareeruni naammagittaalliorsinnaanermut ilitseruineratallimmik, meeqqap nammineerluni aalajangissavaa naammagittaalliorusunnerluni.

Meeqqap illersuisoqarsinnaanermik pisinnaatitaaffia

Meeqqamut kommuni ikiorsiissuteqarnissamik suliamik aallartitsinerani kommuni meeqqamut neqeroorsinnaavoq illersuisussaminik ikorfartuisoqarsinnaaneranik. Meeqqanik tapersersuisarneq pillugu inatsimmi § 44, imm. 1-imi ersersinneqarpoq. Aamma ersersinneqarpoq meeqqap illersuisua ilapittuutaassasoq suliap suliarineqarnerani meeqqap pisinnaatitaaffiiniq qulakkeerinninnissamut, tassunga ilanngullugu meeqqap tusaaniarneqarnissaa.

Meeqqap illersuisuata qulakkiissavaa pisinnaatitaaffiiniq ilitserussallugu nassuiaallugu inatsimmi, aamma qulakkeerlugu meeqqap tusaaniarneqarnissaa aamma isummaminik annissinissaa, kommuni aalajangiinnginnerani. Tamanna ersersinneqarpoq meeqqanik tapersersuisarneq pillugu inatsimmi § 44, imm. 1-imi.

Aalajangersagaq taanna aamma Naalagaaffiit Peqatigiit Meeqqat pillugit isumaqatigiissutaanneersumik ilanngutassiaq 12-imit ilanngussineruvoq, tassani meeqqap nammineq isiginninnini isummanilu oqaatigisinnaatitaagai suliami inaarutaasumik aalajangiisoqarnissaa pitinnagu.

Pisuni allani meeraq illersuisussaminik ivertitsivigineqaannassanngilaq. Tamanna atuuppoq meeraq angajoqqaatut oqartussaassusilik akuersiseqqaarnagu angerlarsimaffiup avataanut inissinneqarpat. Aammali pissutsini kommuni isumaliuuteqarpat meeraq ulloq unnuarlu angerlarsimaffimmut isumannaallisakkamut inissinneqarnissaanik.

Inatsisip oqaaseqaatitaanni ilaatigut ersersinneqarpoq, immikkut pingaaruteqartoq taamatut pisoqartillugu meeqqap tusaaneqarnissaa aamma isummaminik saqqummiussinissamini ikiorneqarnissaa. Tassunga atatillugu meeraq pisariaqartitsivoq ikorfartorneqarnissaminik aamma pisinnaatitaaffimminik ilitserorneqarnissaaq aamma naammagittaalliorsinnaanermut pisinnaatitaaffeqarnerminik.

Kommuni aalajangeereersimappat meeqqat angerlarsimaffiup avataanut inissinneqar-

nissaanik imaluunniit angerlartinneqarnissaanik, meeraq ilungersunartumik inissisimasarpoq pisariaqartillugulu ikorfartorneqarnissaq aamma pisoq pillugu nassuiaanneqarnissaminik. Immaqa meeqqap pisariaqartippaa kommunip aalajangigaa pillugu nassuiaanneqarnissani, tassunga ilanngullugit periarfissat kommunip aalajangigaani naammagittaalliuuteqarsinnaaneq pillugu aammalu naammagittaalliuuteqaraanni qanoq kinguneqartinneqarsinnaaneranut.

Illersuisup meeqqap pisortat oqartussaaitaannik oqaloqatiginninnerani ikiussavaa. Illersuisup ilisimaarissavai inunnik isumaginninnermi pissutsit qanoq ittuuneri aamma naammagittaalliuuteqarsinnaanermut atatillugu. Illersuisup qulakkeerinniffigeqataaffigissavaa meeqqat inuusuttullu pisinnaatitaaffimminnik ilisimasaqarnissaat, aamma meeqqat pisuni oqimaatsuni ikorfartorneqarnissaat. Tamatumani illersuisup ikiuuffigisinnaavaa meeqqap tamakkiisumik isiginnissinnaalernissaa, aamma kommunip aalajangigaa pillugu meeraq naammagittaalliorsinnaanermini sunik periarfissaqarnerseq, aamma qanoq iliornikkut naammagittaalliuut tunniunneqarsinnaanersq.

Kommunip meeqqamik illersuisuliinera kommunip nammineerluni meeqqap pisinnaatitaaffiinik ilitsersuisinnaaneramik pissaaffiaassutaanngilaq.

Ombudsmandeqarfimmi suli

Ombudsmandi suli 2023-5-imut oqaaseqarnikuvoq, tassani kommuni meeqqat sisamat angerlartinneqarnissaat pillugu aalajangiisimangitsoq, aalajangigaqannginnerullu kingunerivaa, anaanaasup naammagittaalliuuteqarsinnaaneramik periarfissaanik ilitsersuisimanginneq Isumaginninnermi Naammagittaalliuuteqartarfimmut naammagittaalliorsinnaanermik. Taamatullu aamma kommunip nalilersuiffigisimangilla meeqqap ataatsip arlallilluunniit naammagitaalliorsinnaanerannut ilitsersuinissaq. Suliami meeqqat ukiu oqaatigineqanngillat.

Suliami ombudsmandi ilaatigut inassuteqarpoq kommunimit qulakkeerneqassasoq suliani aalajangiiffiusussani nalilersorneqartassasoq meeraq naammagittaalliuuteqarnissaminut ilitsersortariaqassanersq.

Siusinnerusukkut ombudsmandip suliami 2020-5-imi kommunip aalajangikkani meeqqanut inuusuttunullu nalunaarutiginnittarneri oqaaseqarfiginikuuai. Ombudsmandi nammineerluni suli 2020-5-imi misissuilluni aallartitaqarpoq kommunip suliani meeqqat angerlarsimaffiup avataanut inissinneqartartut angerlartinneqartarneri pillugit. Misissuinnermut atatillugu ombudsmandi kommunimut kajumissaarivoq kommunip suli 2020-5-imi suliaqartarneri imatut aqqissuuttariaqannginnermut angerlartitsisarnermi pisariaqassusiisigut isummerfigineqartarnissaat, ilaatigut angerlartitsinissaq pillugu imaluunniit angerlartitsinissami itigartitsilluni aalajangigaaq meeqqamut inissinneqarsimasumut allakkatigut nalunaarutigineqartariaqassanersq.

Ombudsmandimit oqaatigineqarpoq aalajangiinnermi angerlartitsinissami imaluunniit angerlartitsinissamut itigartitsinnermi, meeqqamut aalajangiinnermi pineqartumut aallaavittut nalunaarutigineqartassasoq. Ombudsmandimit oqaatigineqarpoq meeqqat su-

liani namminneerlutik arlaatigut pisinnaatitaaffeqartarneri, meeqqanik tapersersuisarneq pillugu inatsit malillugu suliarineqartuni, kisianni kommunip suliamik suliaqarnermini suliami meeqqap pineqartup ukiui malillugit naleqqussaasassasoq.

Aamma ombudsmandimit oqaatigineqarpoq, kommuni suliani ataasiakkaani piviusorsiortumik aamma immikkut meeqqap inerisimassusia suliamillu paasinnissinnaanera naliliiffigineqassasoq, tamannalu tunngavigalugu suliat ilaanni meeqqap 15-it inorlugit ukiullip aalajangiivigineqarnera meeqqamut nalunaarutigingitsoorsinnaallugu. Ombudsmandimit innersuussutigineqarpoq meeqqanik tapersersuisarneq pillugu inatsimmi § 50, imm. 1, taamaalilluni kommunip aalajangersakkami oqaatigineqartut, tassunga ilaatinneqarlutik akuersissutitalimmik angerlarsimaffiup avataanut inissiineq, angajoqqaatut oqartussaassusilimmit aamma meeqqamit akuersissummik atsiornermik peqqaartoqassasoq.

Naggataatigullu ombudsmandimit oqaatigineqarpoq meeqqanik tapersersuisarneq pillugu inatsimmi § 50, imm. 1 isumaqarmat, meeqqat 15-it sinnerlugit ukiullit angerlartitsinermik imaluunniit angerlartitsinissamik itigartitsinermik aalajangikkanik nalunaarfigineqartuaannassasut. Tamanna pillugu ombudsmandimit oqaatigineqarpoq nalinginnaasumik meeqqat 12-it 15-inillu akornanni ukiullit pisarialimmik inersimassuseqartarmata paasinnissinnaassuseqartarlutillu nammineerlutillu aalajangiinermik tigusaqarsinnaallutik.

Meeqqat ombudsmandimut naammagittaalliuuteqarnissanissaminnut periarfissaat

Kinaluunniit pisortat oqartussaataat pillugu naammagittaalliorsinnaatitaavoq ombudsmandip suliaqartarneranut ilaatinneqartoq. Tamanna ersersinneqarpoq ombudsmandeqarneq pillugu inatsimmi § 12, imm. 1, uniffik siullermi. Taamaalillutik meeqqat aamma ombudsmandimut naammagittaalliuuteqarsinnaapput.

Meeraq 18-it inorlugit ukiulik ombudsmandimut naammagittaalliuuteqarpat, aammalu ombudsmandip aalajangiuppagu naammagittaalliuutip suliarineqarnissaa, ombudsmandimit angajoqqaatut oqartussaassulik imaluunniit meeqqamut akisussaataitaq naammagittaalliuut pillugu ilisimatitsissaaq.

Meeraq kinaassutsiminik isertuussilluni sianerluni periarfissaminik ilitserorneqarsinnaavoq. Ombudsmandi suliamik suliaqarsinnaangippat sapinngisamik meeraq ilitserorneqassaaq saaffiginnissutimi ingerlateqqinneqarnissaanik sunik periarfissaqarneranik ilitserorneqarluni sumullu naammagittaalliuuteqarsinnaaneranik.

Kisiannili meeraq ombudsmandimut naammagittaalliuuteqarniarpat, taava meeqqap atini, angajoqqaami imaluunniit meeqqamut angajoqqaatut akisussaataita atia aamma najugarisani taasariaqarpai. Naammagittaalliummik ombudsmandi suliaqassaguni paasissutissat tamakku atortussaavai, ilaatigut ombudsmandi pisortat oqartussaataannut attaveqassappat (assersutigalugu atuarfimmuut imaluunniit kommunimut) meeqqap naammagittaalliuutiginiagaa pillugu.

Meeqqat tapersorsorneqarnissaanut inatsit

Inatsisartutlov nr. 20 af 26. juni 2017 om støtte til børn med senere ændringer

§ 44. Kommunalbestyrelsip suliarinninneranut atatillugu meeqqap ikiorserneqarnissaanut suliniuteqarnermik aallartitsinermi, meeqqap meeqqanik illersuisumit ikiorneqarnissaa neqeroortugisinnaavaa. Suliap suliarineqarnerata nalaani meeqqanik illersuisup meeqqap pisinnaatitaaffiik qulakkeerinninnissaq meeqqallu tusarneqarnissaa peqataaffigissavaa. Meeqqanik illersuisup meeqqat atugaat suliamigut immikkut paasisimasaqarfigissavai imaluunniit meeqqanik illersuisussatut pikkorissarsimassalluni. Meeqqanik illersuisusamik toqqaaneq angajoqqaatut oqartussaassusilimmit akuerineqqaartariaqanngilaq.

Imm. 2. Meeqqat angajoqqaatut oqartussaassusilimmit akuerineqanngitsumik angerlar-simaffiup avataanut inissineqartut, tak. § 28, meeqqanik illersuisulernerqartassapput.

Imm. 3. BMeeqqat ulloq unnuarlu angerlarsimaffimmi immikkoortortaqaarfimmut isuman-naallisakkamut inissineqartussatut eqqarsaatigineqartut inissineqareersimasulluunniit, meeqqanik illersuisulernerqartassapput.

Imm. 4. Meeqqanik illersuisup illersuisutut atorfininnerminut atatillugu pissutsit immik-kut pisariaqartitsippata meeqqanik pinerliisimanginnermut uppernarsaammik pinerluu-teqarsimanginnermullu uppernarsaammik pissarsinissamut akuersissuteqarsinnaan-gorlugu pisussaaffilerneqassaaq.

Imm. 5. Naalakkersuisut toqqaanissamut, akissarsiaqartitsinissamut, meeqqanut piner-luuteqarsimanginnermut pinerluuteqarsimanginnermullu uppernarsaammik aallernis-samut, piukkunnaateqarnermut piginnaasanullu piumasaqaatinik qanoq ittunik meeqqanik illersuisumut piumasaqaataasussat pillugit malittarisassiussapput, tak. imm. 1. Ikiorsiine-rup qanoq ingerlanneqarnissaa pillugu maleruagassanik erseqqinnerusumik kiisalu nak-kutilliinnermut piumasaqaatit pillugit maleruagassanik erseqqinnerusumik Naalakkersui-sut aalajangersaasinnaapput.

§ 50. Kommunalbestyrelsi angajoqqaanngortussanit imaluunniit angajoqqaatut oqartus-saassusilimmit meeqqamiillu, taanna 15-inik ukioqalersimappat, ikiorsiinissamik suliniu-teqarnissanik, tak. § 21, immikkut ittunik ikiorsiinissanik, tak. § 25, imaluunniit ikior-siinissanik suliniuteqarnermik sukannernerusunik, tak. § 27, taamaattoq tak. imm. 2, aalaja-ngiisoqartinnagu, allaganngorlugu akuersissummik pissarsiniassaaq. Suliniuteqareerner-mi malitseqartitsinermik, tak. § 42, aalajangiisoqartinnagu, kommunalbestyrelsi meeqqa-mit imaluunniit inuusuttumit allaganngorlugu akuersissummik pissarniassaaq.

Imm. 2. Imm. 1-imi oqaaseqatigiit siullianni akuersissummik piumasaqarneq saneqqun-neqarsinnaavoq, ikiorsiinissamik suliniuteqarnermik aallartitsinissaq meeqqap peqqissu-saanut, ineriartorneranut inuunerinneranullu annertuumik pingaarutilittut isigineqarpat kiisalu ikiorsiinissamik suliniuteqarneq akuersissummik pissarsinngikkaluarluni angune-qarsinnaasutut isigineqarpat.

Imm. 3. Aalajangikkat, tak. § 6, angajoqqaatut oqartussaassusilimmik imaluunniit meeqqa-mit akuersissummik pisariaqartitsinngillat.

§ 60. Kommunalbestyrelsip Inatsisartut inatsisaat una malillugu aalajangigai, Isumagin-ninnermi Naammagittaalliortarfimmur naammagittaalliuutigineqarsinnaapput, Isumagin-nittoqarfiup Naammagittaalliortarfimmur naammagittaalliuutigineqarsinnaapput Isumagin-nittoqarfiup aqunneqarnera aqqissuunneqarneralu pillugit Inatsisartut peqqussutaanni aalajangersakkat malillugit.

Imm. 2. Inatsisartut inatsisaat una malillugu aalajangersakkat naapertorlugit aalajangi-nernut, meeqqat suliani imminnut tunngasuni, tak. imm. 1, naammagittaalliorsinnaatitaap-put.

Imm. 3. Meeqqap naammagittaalliorsinnaatitaanera pillugu maleruagassanik erseqqin-ne-rusunik Naalakkersuisut aalajangersaasinnaapput.

Naalagaaffiit Peqatigiit Meeqqat pillugit isumaqatigiissutaat

FN-ip Meeqqat pisinnaatitaaffii pillugit isumaqatigiissutaat 20. november 1989-imeersoq

Ilanngutassiaq 12

1. Naalagaaffiit peqataasut qularnaassavaat meeqqap, nammineerluni isummaminik saq-qummiussisinnalereersup, isummaminik taamaattunik pissutsini meeqqamut namminer-mut tunngassutilinni tamani akornuserneqarani oqariartuuteqarsinnaanermut pisinnaati-taaffeqarnissaa; meeqqap isummeneri, ukiuinut inerisimassusianullu naapertuuttumik pingaartinneqassapput.

2. Tamanna siunertaralugu meeraq annermik periarfissinniarneqassaaq, suliat meeqqamut tunngasut eqqartuussisarnermi oqartussaasunit imaluunniit ingerlatsinikkut oqartus-saasunit suliarineqarnerini, nammineerluni imaluunniit sinniisorisaaq imaluunniit sullissi-soq naapertuuttoq aqqutigalugu, naalagaaffimmi eqqartuussivinni periaaserineqartussa-tut aalajangersakkat naapertorlugit oqaaseqarnissaa.

Ombudsmandi pillugu inatsit

Inatsisartut inatsisaat nr. 7 1. juni 2017-imeersoq Inatsisartut Ombudsmandiat pillugu.

§ 12. Oqartussat § 7-imi taaneqartut pillugit naammagittaalliuutit kimilluunniit Ombuds-mandimut naammagittaalliuutigineqarsinnaapput. Kinaluunniit kiffaanngissusiagaasi-masoq allakkatigut matoqqasutigut Ombudsmandimut saaffiginnissaminut pisinnaati-taavoq.

Imm. 2. Naammagittaalliortup atini najugaqarfinilu nalunaarutigissavai, naammagittaal-liuutip sulianera pillugu nalunaarutinik Ombudsmandip naammagittaalliortumut nassius-siffiginnaasaanik.

Imm. 3. Naammagittaalliuutiginiaqap pisup pineraniit ukioq ataaseq qaangiutsinnagu su-liassanngortinneqassaaq.

Imm. 4. Imm. 3-mi piffissaliunneqartoq Ombudsmandip pisuni immikkut ittuni sivitsor-sinnaavaa.

2.3 Inatsimmik naapertuuttumik tunngaveqartussaaneq aamma ersarissumik qularnaatsumillu inatsisitigut tunngaveqarneq

Immikkut siunnersortimit Henrik Bachimit

Inatsimmik naapertuuttumik tunngaveqartussaaneq tunngaviusumik periusiuvoq pisortat ingerlatsineranni pisinnaatitsinerni, tamannalu ombudsmandip arlaleriarluni isummerfiginninnissaanut pissutissaqalersitsisimalluni. Ukiut ingerlanerini sammisaq pillugu ombudsmandi arlaleriarluni oqaaseqaateqartarsimavoq, taamatullu ombudsmandeqarfimmi sulisut ilanngutassiaqarsimallutik inatsimmik naapertuuttumik tunngaveqartussaaneq pillugu tamannalu pillugu siusinnerusukkut ombudsmandip nalunaarusaata imarisaanik.

Oqaaseqaatini aamma allaaserisani ilaatigut pineqartarsimapput aalisarnermi piniarnermilu akuersissutinik qinnuteqarnermut atatillugu itigartitsinermik aalajangikkani inatsimmik naapertuuttumik tunngaveqartussaaneq tunngasut. Suliat eqqartorneqartut aamma allaaserisat uuma allaaserisap naanerani inaarutaasutut allaaserineqarumaarput. Inatsimmik naapertuuttumik tunngaveqartussaaneq pillugu annertunerusumik paasisaqarusukkaanni suliat allaaserisallu oqaatigineqartut innersuusutigineqarput.

2023-mi ombudsmandi inatsimmik naapertuuttumik tunngaveqartussaaneq pillugu isummernissaminik periarfissaqaleqqippoq. Tamanna pivoq suliami 2023-2-mi, immikkoortoq 3-2-mi nalunaarusiami matumani annertunerusumik eqqartorneqartumi. Suliami ataatsimoorussanik tikaagullittassanik pisassiinissamik itigartitsinermi inatsimmik naapertuuttumik tunngaveqartussaaneq pineqarpoq. Suliami 2023-2-mi ajornartorsiu-tit immikkut toqqarneqartut oqaatigitinnagit naatsumik inatsimmik naapertuuttumik tunngaveqartussaaneq aallaavik pillugu eqqartorneqaqqaassaaq.

Inatsimmik naapertuuttumik tunngaveqartussaaneq aallaavik naatsumik

Ingerlatsivik inatsisinik naapertuuttumik tunngaveqartussaaneq taaneqartartumik malinnittussaataavoq, taanna aamma taaneqartarpoq inatsisitigut ingerlatsinermi periusuq. Inatsimmik naapertuuttumik tunngaveqartussaaneq malitsigivaa ingerlatsiviup sulinermini inatsisitigut tunngavissaqarnissaa imaluunniit akuersisamik allatut inatsisitigut tunngavissani akuersisaasunit.

Inatsimmik naapertuuttumik tunngaveqartussaaneq qitiusumik ilagivaa inatsisitigut tunngavissaqarnissamik piumasaqaat. Tamatuma malitsigivaa, pisortat oqartussaati-taat taamaallaat innuttaasumut aalajangiissuteqarsinnaammat pisortat oqartussaati-taat tamatumunnga inatsisiliortunit pisinnaatitsissummik tunineqarsimappat. Asser-suutitut tamanna ima isumaqarpoq, naalakkersuisoqarfik taamaallaat innuttaasup tungaanut inatsisitigut pituttuisumik aalajangiisinaalluni, tamanna Inatsisartut pisin-naatitsissutigisimappassuk. Tamannalu tunngavigalugu inatsisitigut sammisap qanoq

paasineqarnissaa apeqqutaagajulersarluni, inatsimmi aalajangersagaliaq qanoq atuarneqassanersoq paasineqassanersorlu. Aatsaallu tamatuma kingornatigut paasineqarsinnaalluni Inatsisartut suna akuersissutigisimaneraat. Ilaannikkut inatsisitigut qanoq paasineqarsinnaanera ajornakusoortinneqarsinnaasarpoq, tassami piumasarineqartarmat inatsisitigut aalajangersagaq ersarinnerussasoq, eqqoqissaartuulluni aamma qularnaannerulluni, akulerunneq annertuneruppat pisortanit inatsisitugut pituttuisumik aalajangiiffigerusutaq. Taamatut pisoqartillugu pineqalersarput sakkortusisamik inatsisitigut tunngavissaqarnissamik piumasaqaatit.

Inatsisitigut tunngavissaqarnissaq sakkortusarneqartarpoq assersuutigalugu akulerunnikkut imaluunniit innuttaasut inuussutissarsiornissami periarfissaannik killilersuilernikkut.

Suliat marluk toqqarneqartut, tassani Naalakkersuisut aalajangiinerat inatsisitigut tunngavigneqarluni aalisarnermi piniarnermilu akuersissutinik itigartitsinermi atorneqartoq

Suliami 2021-4-mi ombudsmandi isornartorsiuteqarpoq, Aalisarnermi, Piniarnermi Nunalerinermilu Naalakkersuisoqarfiusimasup innuttaasumik umiatsiaararsorluni aalisarnissamik akuersissummik itigitartitaasimanera qinnuteqartup najugarisaa tunngavigalugu, qinnuteqartup najugarisaa tunngavigalugu inatsisitigut itigartitsinermi tunngavissaqanngitsumik.

Tamatumanilu pisarialimmik inatsisitigut tunngaviliornissamut taarsiullugu naalakkersuisoqarfiup aalajangiinermini innuttaasumut innersuussutigivaa, Naalakkersut aalajangiisimanerat qinnuteqartup najugarisaa aalajangiisuusoq akuersissuteqarnissamut, aalajangiinerlu tamanna innuttaasunut nalunaarutigineqarsimasoq tusagassiutitigut nalunaaruteqarnikkut.

Tassunga atatillugu ilaatigut ombudsmandimit tikkuarneqarpoq, Naalakkersuisut aalajangiisimanerat tunngavigalugu inatsisinut atuuttunut assortuummat, aalajangiineq inatsimmut atuuttumut ilaatinneqalersimangippat. Tamanna pissuteqarpoq Naalakkersuisut aalajangiinerat inatsimmi ilaangimmat, taamatullu aalajangiineq inatsimmiq ilasinerusinnaanilu taarsiinnaangimmat.

Aalisarneq pillugu inatsit periarfissiivoq malittarisassaliorsinnaanermut, tassa qinnuteqartup najugaqarfigisaa aalajangiisuusinnaasoq innuttaasup akuersissummik itigartinneqarnissaanut. Kisiannili taamatut pisinnaatitsineq piffissami tamatumani naalakkersuisoqarfiup aalisarnissamut akuersissummik qinnuteqarnermi itigartitsinissaanut malittarisassaliunneqarsimangilaq.

Ombudsmandip Naalakkersuisoqarfimmik isornartorsiuinera aalajangikkamik aalajangersimasumi tusaatissatut tiguneqaannarani, aammattaq aalajangikkat Naalakkersuisut aalajangiinerannik tunngaveqartut tamakkerlugit tusaatissatut aamma tiguneqarput.

2023-mi ajornartorsiutip assinganik pisoqaqqippoq, naalackersuisoqarfimmi tassaner-piaq peqatigiiffiit pingasut qinnuteqaataannik katussillutik tikaagullinniarnissaminut pisassinneqarnissamut itigartinneqarput, tassani innersuussutigineqarluni Naalackersuisut aalajangersimanagerat katussilluni tikaagullinniartarnermi piffissamik killiliinissap atuutinneqalernissaanut. Itigartitsineq nalunaarutigineqarpoq, naak nalunaarutikkut aalajangersakkami inatsisitigut atuuttumut akertiugaluartoq, taanna ukioq kaajallal-lugu piniartoqarsinnaanerani akuersinermik imaqarmat. Tamatumani ombudsmandimit naalackersuisoqarfik isornartorsiorneqaqqippoq.

Taamaalliluni 2021-mi aamma 2023-mi naalackersuisoqarfik inatsisit avaqqullugit pituttuisumik aalajangiivoq tassani innersuussutigineqarluni Naalackersuisut aalajangi-simanagerat. Pisumi tamatumani inatsisitigut aalajangersagaqanngilaq. Pisup aappaani nalunaarummi inatsimmit atuuttumit Naalackersuisut aalajangigaannit allaanerusumik aalajangersaasoqarluni.

Pisunili marluusuni assigiinngissuteqartoqarpoq, suliami 2023-2-mi akuerisamik katus-silluni ukioq kaajallallugu tikaagullinniarsinnaanerme aamma inatsimmik pisinnaatitsis-summik peqarpoq, tamatumani Naalackersuisut pisinnaatinneqarput "iliusereqqusap piviusunnortinnissaanut", piniarnermi aallaaniarnissamilu naleqqussaanerme, tassunga ilanngullugu malittarisassalioartoqarsinnaanerani ilaatigut piffissani eqqissisimatit-siviusuni aamma piffinni piniarfigeqqusinninnernik kiisalu aallaaniarnerme aamma pi-niarnerme inerteqquteqarnissamut imaluunniit killilersuinissamut.

Naallu naalackersuisoqarfiup aalajangiinermini peqatigiiffinnut pingasuusunut malit-tarisassaq taanna innersuussutigisimangikkaluaraa, taamanikkut Aalisarnermut Pi-niarnermullu Naalackersuisup akisussaasup tamatuma kingornatigut ombudsmandimut tunngavilersuutigivaa, naalackersuisoqarfiup nalunaarummi aalajangersakkat akerti-anik aalajangiisinnaaneq - taakkualu aalajangersakkat allannortinnagit - tikaagullin-niaqqusinninnerlu taamaallaat Naalackersuisut aalajangigaat innersuussutitut tun-ngavigineqarluni.

Ombudsmandimit oqaatigeqqinneqarpoq, inatsisitigut pituttuisumik aalajangikkat aalajangerneqartassasut inatsisitigut tunngavissatigut soorlu inatsisitigut malittari-sassatigut avammut ilisimatitsissutigineqarsimasutigut, taamaallitut innuttaasut inatsisinik naleqqussarsinnaassammata.

Aamma ombudsmandimit oqaatigineqarpoq, inatsisitigut tunngaviusumik periuutsi-mit allaanerusoqartillugu, ombudsmandip paasinninnera malillugu pisariaqarpoq ersa-rissumik, eqqoqqissaartumik aamma qularnaatsumik inatsisitigut tunngaveqarnissaq paatsuugassaannigsumik inatsisiliortumit pisinnaatitsissutitalimmik, tassa imaappoq Inatsisartunit. Ombudsmandillu paasinninnera imaalluni, tamanna pingaartumik atuut-toq, allaffissornikkut aalajangiinerup innuttaasup inuussutissarsiornissaa annikilli-saaffigippagu, taamaattoqartillugu qajannaatsumik inatsisitigut tunngavissamik atuut-toqarnissaa.

Ombudsmandimit oqaatigineqarpoq, ombudsmandip paasinninnera unaasoq, Inatsiartunit pisinnaatitaaffiliinermi Naalakkersuisut allatut periarfissaqarsimangitsut aalisarnerup piniarnerullu naleqqussaaffigineqarnissaani taamaallaat malittarisasat atuuttut allangortinnerisigut nalunaarutiliornikkut, tassani oqaatigineqartumik Naalakkersuisunit aalajangikkatut. Tamatuma kingornatigut naalakkersuisoqarfik nalunaarut tunngavigalugu aalajangiisnaalissammat innuttaasut eqqarsaatigalugit.

Atuarneqarsinnaasut allat siunnersuutigineqartut

Inatsimmut naapertuuttumik tunngavissaqarnissamik aallaavik inatsimmillu tunngavissaqarnissamik piumasaaqat sakkortusisaq suliami 2021-4-mi eqqartorneqarput, taamatuttaarlu inatsisilerineq pillugu atuakkiat Ombudsmandillu siusinnerusukkut periaasia innersuussutigineqarlutik. Allaaserisami "Aalisarsinnaanermut akuersissutip itigartitsisutiginnissaanut inatsisikkut tunngavissaqannginneq" 2021-mi nalunaarusiami imm. 2.1-imi ilanngussami inatsimmik naapertuuttumik tunngaveqartussaaneq aamma eqqartorneqarpoq.

Tamatuma saniatigut suliaq aamma allaaserisaq "Ingerlatsivik susinnaava?" 2013-imi ukiu-moortumik nalunaarummi immikkoortumi 5.6-imi aamma immikkoortumi 3.2-mi ilannguneqartut takukkit.

Taakkua saniatigut suliaq 2016-imi ukiu-moortumik nalunaarummi immikkoortumi 5.3-mi ilanngunneqartoq takuuk. Allaaserisami "Aalisarsinnaanermut akuersissutip inatsimmillu naapertuuttumik tunngaveqartussaaneq" immikkoortumi 3.4-mi ukiu-moortumik nalunaarummi 2016-imeersumi aamma inatsimmik naapertuuttumik tunngaveqartussaaneq aamma eqqaaneqarpoq. Allaaserisami ilaatigut innersuussutigineqarluni suliaq ilanngunneqartoq immikkoortoq 5.04.5-itut ukiu-moortumik nalunaarummi 2001-imeersumi.

Inatsiartut Ombudsmandiata oqaaseqaatai allaaserisallu www.ombudmandi.gl-imi atuarneqarsinnaapput.

Inatsimmut naapertuuttumik tunngaveqartussaaneermik aallaavik Folketingip Ombudsmandiata oqaaseqaataani arlalinni aamma isummerfigisarsimavaa. Ass. 2015-3, 2013-24, FOB 1997.74 aamma FOB 1989.213 atuakkit. Taakkua saniatigut "Endelig redegørelse - Undersøgelse af Ankenævnet for Uddannelsesstøttens praksis inden for udvalgte områder". Oqaaseqaatit taakku www.ombudsmanden.dk-mi atuarneqarsinnaapput.



Nanortalimmi innuttaasut septemberimi periarfissaqarput ombudsmandip sulisuinik oqaloqateqarnis-saminnik.



SULIAT TAMANUT SAQQUMMIUNNEQARTUT

Ombudsmandip suliat suliarisimasani arlallit ukiut tamaasa tamanut saqqummiuttarpai. Suliat ukiumi nalunaarusiuunneqartumi tamanut saqqummiunneqartut tulliuuttuni eqqartorneqarput, taakkulu tamarmiutillugit suliani pineqartut kikkussusii ilisarnarunnaarsillugit Ombudsmandip nittartagaani www.ombudsmandi.gl-imi atuarneqarsinnaapput.

3.1 Kommunip suliamik suliarinninnerminut piffissaq atugaa suliamillu suliarinninnera suliami (2023-1) siusinaartumik sulisinnaajunnaarnersiuteqalernissami akuerineqarsinnaanngitsut

Innuttaasoq Qeqqata Kommuneani siusinaartumik sulisinnaajunnaarnersiuteqalerumalluni 19. april 2016-imi qinnuteqaateqarpoq.

Allakkat kommunep 18. november 2020-mi innuttaasumut nassiuppai, taakkunangalu erserluni suliaq suliarineqarsimangitsoq, tassami pineqartoq ukioqqortunini pissutigalugu utoqqalinersiaqalersinnaatitaalernissami tungaanut ulluni 22-iinnarni siusinaartumik sulisinnaajunnaarnersiuteqarsinnaatitaasussaammat.

Kommunep siusinaartumik sulisinnaajunnaarnersiuteqalerumalluni qinnuteqaammik suliarinninnera innuttaasup Ombudsmandimut 5. januar 2021-mi naammagittaalliutigaa.

Ombudsmandip suliamik misissineq naammagittaalliut tunngavigalugu aallartippaa.

Kommunep suliaq innuttaasup 5. januar 2021-mi Ombudsmandimut naammagittaalliornerata kingornatigut suliareqqilerpaa, innuttaasorlu 1. oktober 2021-mi kommunep aalajangiinermigut 1. september 2020-mit atuutilersumik siusinaartumik sulisinnaajunnaarnersiaqalersillugu.

Innuttaasup siusinaartumik sulisinnaajunnaarnersiuteqalerumalluni qinnuteqaataanik kommunep suliarinninnera Ombudsmandip pisariaqanngitsumik sivisuallaarsimasutut isigaa.

Innuttaasup siusinaartumik sulisinnaajunnaarnersiuteqalerumalluni qinnuteqaataanik kommunep inaarsaalluni suliarinnissimanginnera, inaarsaallunilu suliarinninnissaraluumut taarsiullugu allakkanik suliap siusinaartumik sulisinnaajunnaarnersiuteqalerumalluni qinnuteqaammut tunngasup innuttaasup ulluni 22-iinnarni siusinaartumik sulisinnaajunnaarnersiuteqareerluni utoqqalinersiaqarnermut ikaarsaartussaanaera pisutigalugu suliarineqannginnissaanik nalunaaruteqarfiusunik innuttaasumut nassiussisimanagera Ombudsmandip isorisarialittut isigaa.

Tassani kommunep aqutsisoqarfiata piginnaatitaanini pinsinnaatitaaninilu avaqqullugit iliuuseqarsimanera Ombudsmandip ajuusaarnartutut aamma isigaa, innuttaasummi siusinaartumik sulisinnaajunnaarnersiuteqalerumalluni qinnuteqaataa Atugarissaarnermut Ataatsimiititaliamut saqqummiunneqanngitsoormat.

Ombudsmandip ataatsimut isiginnilluni paasinninnera unaavoq, suliame matumani piffissaq suliarinninnermut atorneqartoq, suliamillu suliarinninneq akuerineqarsinnaanngitsut.

Suliap piffissani pingasuni tulleriinneri malillugit qaammatini 27-ni, qaammatini qulini aamma qaammatini arfineq marlunni iliuuseqarfigineqarani uninngatinneqartarsimanera kiisalu suliap ataatsimut isigalugu ukiut tallimat sinnerlugit suliarineqarsimanera Ombudsmandip pingaartillugu isiginiarpaa.

Kommunep suliarinninnerani siusinaartumik sulisinnaajunnaarnersiutisiat pillugit aalajangiinissaq eqqarsaatigalugu kommunep pinsinnatitaaneq pillugu nammineq ilumini aalajangersakkanik malinnissimanginnera Ombudsmandip aammattaq pingaartillugu isiginiarpaa.

Kommunep oqaatigaa sulianik siusinaartumik sulisinnaajunnaarnersiutisianut tunngasunik suliarinnittarnermi periaaseq annertuutigut allannguuteqartitsiviusimasoq.

Ombudsmandip kommune qinnuigaa sulianik siusinaartumik sulisinnaajunnaarnersiutisianut tunngasunik suliarinnittarnermi periaaseq annertuutigut sutigut ilorraap tunngaanut allannguuteqartitsiviusimanersoq paasissutissiissutigeqqullugu.

Ombudsmandip kommune aammattaq qinnuigaa kommune puigutsaaliutinik pitsaasunik suliap siunissami puigorneqartannginnissaannik qulakkeerisumik peqarnersoq paasissutissiissutigeqqullugu.

Ombudsmandip kommune naggasiutitut qinnuigaa oqaaseqaat, matumani taarsiissuteqartoqarsinnaanera ilanngullugu eqqarsaatigalugu, qanoq iliuuseqarnissamut pissutis-saqalersitsinersoq nalunaarutigeqqullugu.

Ombudsmandip paasisaa malillugu suliap annertuumik pingaaruteqartumik kukkusuteqartoqarsimammatt sumiginnaasoqarsimammallu Inatsisartut Inatsisinut Ataatsimiititaliaat aamma Qeqqata Kommuneeani kommunalbestyrelsi ombudsmandeqarneq pillugu inatsimmi § 23 tunngavigalugu suliap pillugu ilisimatinneqarput.

Kommunemit e-mailikkut 1. september 2023-mi oqaatigineqarpoq kommune suliap suliarineqartarneranni pitsanngorsaaniarsimasoq sullissisumik atorfinitsitsinikkut taamaallaat siusinaartumik sulisinnaajunnaarnersiuteqalernissamik qinnuteqaatinik suliaqartussamik, taamatullu aamma sullissinnermi programmimut ingerlatsinnermi ator-tussat naleqqussarneqaleruttortut. Tamatuma saniatigut kommunemit nalunaajaatigi-neqarpoq sulianik sullisseriaaseq aamma eqqaasitsisarnermi aqqqissuussaq, taamaalil-

lutik siunissami siusinaartumik sulisinnaajunnaarnersiuteqalerniarlutik qinnuteqartut puigorneqartanginnissaat qulakkeerneqassalluni.

Naggataatigullu kommunemit oqaatigineqarpoq suliamik sullissisumit qanoq paasineqarneranik, saqqummiussisarnermi suleriaasissaq innuttaasunut taarsiissuteqartarnermi apeqqummut tunngasoq aamma suliarineqassasoq. Ombudsmandip imatut paasivaa, suliamik saqqummiussisarnerup imarissagaa taarsiissuteqarnissami apeqqummi isummerfiginnineq, innuttaasumullu nassiunneqartassasoq naammassineqarnermini.

Ombudsmandimit oqaatigineqartut tusaatissatut tiguneqarput suliarlu naammassineqarpoq.

(Oqaaseqaat 9. marts 2023, j.nr. 2021-120-0002)

3.2 Naalakkersuisut aalajangererat inatsisikkut tunngavigisatut atuussinnaassuseqanngilaq. Naalakkersuisoqarfik inatsimmik naapertuuttumik tunngaveqartussaанermik piumasqaat tunngavigalugu iliuseqarsimanngilaq (2023-2)

Peqatigiiffiit pingasut tikaagullittassinneqarnissamik qinnuteqaatimik Aalisarnermut Piniarnermullu Naalakkersuisoqarfimmit itigartinneqarnerat Ombudsmandimut ataatsimoorlutik naammagittaalliuutigaat. Naalakkersuisut katussilluni tikaagullinniartarnerup piffissaq eqqarsaatigalugu killilerneqarnissaanik 2021-mi decemberimi aalajangererat Naalakkersuisoqarfiup itigartitsinermi innersuussutigaa.

Ombudsmandip misissuineranut atatillugu Naalakkersuisoqarfiup oqaatigaa Naalakkersuisut aalajangererat itigartitsinermit inatsisikkut tunngavissatut atuussinnaassuseqartutut isigigitsik. Naalakkersuisoqarfik aamma isumaqarpoq itigartitsinermit Piniarneq Aallaaniarnerlu pillugit inatsimmi § 8-mi inatsisikkut tunngavissaqartoq.

Ombudsmandip Naalakkersuisoqarfik isumaqatiginngilaa. Naalakkersuisut aalajangererat peqatigiiffiit tikaagullittassinneqarnissamik qinnuteqaataannik itigartitsinermit inatsisikkut tunngavissatut atuussinnaassuseqanngitsutut isigalugu. Ombudsmandi taamatuttaaq isumaqarpoq Piniarneq Aallaaniarnerlu pillugit inatsimmi § 8-mi aalajangiinnermut tunngavittut atorneqarsinnaanngitsoq. Ombudsmandip paasinninera unaavoq, § 8 tassaasoq piginnaatitsissutitut aalajangersakkamik taaneqartartoq, Naalakkersuisoqarfiup nalunaarummi malittarisassanik aalajangersaanermini atorsinnaasaa. Naalakkersuisoqarfili taamaaliorsimanngilaq.

Ombudsmandip Naalakkersuisoqarfimmut malugeqqullugu oqaatigaa Naalakkersui-

soqarfik Naalackersuisut aalajangererat tunngavigalugu aamma taamatut aalajangiisimamera pillugu 2021-mi isornartorsiorlugu oqaaseqaateqarsimalluni. Ombudsmandip tamatumunnga atatillugu taamani oqaatigisimavaa aalajangererup taamaattup inatsiseqartitsineq atuuttoq tapertalersinnaanngikkaa taarsersinnaanngikkaaluunni. Naalackersuisoqarfiup Ombudsmandi taamani isumaqatigaa suliallu taamaattut suliareqqillugit.

Ombudsmandi tamanna tunngavigalugu isumaqarpoq kukkunerup taassuma kukkussutigeqqinneqarnera akuerineqarsinnaanngitsoq.

Peqatigiiffiit katussilluni piniagassanik tikaagullittassinneqarnissamik qinnuteqaataat Naalackersuisoqarfiup suliareqqissagaa Ombudsmandip inassutigaa. Ombudsmandip Naalackersuisoqarfik tamatumunnga atatillugu qinnuigaa inassutigisami Naalackersuisoqarfik qanoq iliuuseqarnissamut pissutissaqalersinneraa nalunaarutigeqqullugu.

Ombudsmandi suliamut pingaaruteqartumik kukkussuteqartoqarsimasoq sumiginnaasoqarsimasorlu isumaqarami Inatsisartut Inatsisinut Ataatsimiititaliaat aamma Naalackersuisut Siulittaasuata Naalackersuisoqarfia Ombudsmandi pillugu inatsimmi § 23 tunngavigalugu suliaq pillugu nalunaarfigai.

Ombudsmandip kingornatigut 21. april 2023-mi naalackersuisoqarfimmit akissut tiguaa, ilisimatitsissutigineqarluni pisortat pillugit inatsiseqartitsineri malittarisassat eqquutsinneqarnissaannut isumannaarisumik naalackersuisoqarfik suliniummik aalartitsiniartoq, matumani inatsimmut naapertuuttumik tunngaveqartussaannermik piumasaaqat.

Naalackersuisoqarfilli ilaatigut aamma nalilivoq, Piniarneq Aallaaniarnerlu pillugit inatsimmi § 8-p - piginnaatitsinerimik aalajangersagaanerata saniatigut - taamatuttaaq naalackersuisoqarfik piniarnermi allatut malittarisassiorsinnaaneramik periarfissikkaa.

Ombudsmandi naalackersuisoqarfik allakkatigut 4. juli 2023-meersutigut akissuteqarfigaa, naalackersuisoqarfiup naliliineranut ombudsmandi isumaqataanngitsoq, taamaalillunilu naalackersuisoqarfiup paasinninneranut atatillugu ombudsmandip oqaaseqaatiminut allanguinissamut pissutissaqalersitsinngitsoq. Ombudsmandittaaq ilisimatitsivoq, suliami annertunerusumik iliuuseqaqqinnani.

Ombudsmandi kingorna 15. august 2023-mi naalackersuisoqarfimmit oqaaseqaatinik tigusarpoq, naalackersuisoqarfiup tunngavilersuutai pillugit ombudsmandip isumerfiginneqqinnissaanut qinnuiginnilluni.

Ombudsmandi naalackersuisoqarfimmut allakkatigut 21. september 2023-meersutigut akissuteqarpoq. Allakkami ingerlatsineq pillugu inatsiseqartitsineri inatsimmut naapertuuttumik tunngaveqartussaannermut piumasaaqat pillugu ombudsmandi nasuiaassuteqarpoq. Kingornatigut ombudsmandip oqaatigaa, Piniarneq Aallaaniarnerlu pillugit inatsimmi § 8, ombudsmandip paasinninnera malillugu piginnaatitsinerimik

aalajangersakkamit allatut isigineqarsinnaanngitsoq. Taamaattumik ombudsmandip sulii ima paasinninnerivaa, aalajangersakkap nalunaarummik aalajangersaanerup saniatigut Naalakkersuisut piniarnermi aallaaniarnermilu allatut malittarisassiorsinnaanerannik periarfissiinngitsoq.

Ombudsmandittaaq naalakkersuisoqarfik qinnuigaa ombudsmandip oqaaseqaammi isornartorsiugaanut tunngatillugu naalakkersuisoqarfik periaasariinnakkaminik sulii atuiinnarnersoq nalunaarrutigeqqillugu. Tamanna naalakkersuisoqarfimmit tusagas-siuutitigut nalunaarummut aalajangersimasumut innersuunneqarpoq.

E-mailikkut 9. november 2023-meersutigut naalakkersuisoqarfik ilisimatitsivoq, ombudsmandip 22. marts 2023-mi oqaaseqaammi isornartorsiugaa naalakkersuisoqarfiimmit periuseq taanna atorneqarunnaarsimasoq.

Tamatuma kingornatigut Ombudsmandip suliamik suliarinninnini unitsippaa.

(Oqaaseqaat 22. marts 2023-meersoq, j.nr. 2022-821-0001)

3.3 Kommuneq suliamik soraarsitsinermit tunngasumik suliarinninnera kukkussutillu pillugit qisuarianginnera isorisariaqartuusoq (2023-3)

Kommune Qeqertallip 2020-mi utoqqaat illuanni sulisoq tapersorsortitut taartaasartut atorfinitsippaa. Atorfinitsitsinermi allakkat sulisup suliaasa allaaserineqarnerannik ullulluunniit sulisup suliffissaata kingulliup taaneqarnerannik imaqqanngillat. Tamatuma saniatigut puigortunngortunut immikkoortortami tamarmi taartaasartut sulisoq piffissap ilaani atorneqarpoq.

Kommuneq sulisoq 14. februar 2022-mi ataatsimeeqatigaa, tassanilu ulloq suliffiususaq kingulleq sulisup atorfinitsinneqarnerani allakkanut ikkunneqarpoq.

Kommuneq soraarsitsinera sulisup Ombudsmandimut 23. maj 2022-mi naammagittaliutigaa.

Suliamik misissuineq Ombudsmandip tamanna tunngavialugu aallartippaa.

Ombudsmandi naliliivoq atorfinitsitsigallarneq pineqanngitsoq, naak sulisup atorfia taartaasartut atorfittut taaneqaraluartoq, tassami sulisup atorfinitsitaanerata allaaserineqarnerani immikkut taaneqarsimanngillat ulloq suliffissaa kingulleq imaluunniit suliasat suut suliarissanerai. Ombudsmandili naliliivoq aalajangersimasumik atorfinitsitsineq pineqartoq.

Kommunep sulisumut taassuma suliame pineqartutut isumaanik suliassat sularineqartarnerat pillugu inatsimmi malittarisassat malillugit soraarsitsineq sioqqullugu tusarniaaviginnissimanginnera, kommunip allakkatigut aalajangiisimanginnera tungavilersuummillu sulisumut tunniussisimanginnera Ombudsmandip ataatsimut isiginilluni isorisarialittut isigai.

Ombudsmandip tamanna tungavigalugu inassutigaa suliaq kommunep suliareqqissa-gaa, matumani suliame pineqartup isumaanik tusarniaasimanginnerup kingunerisaanik kommunep isummerfiginninnera ilanngullugu eqqarsaatigalugu.

Kommunep amigaatit paasigamigit taakkua kingunerisaanik suliame amigaatit pillugit isummerfiginnissimanginnera isorisarialiusoq Ombudsmandi aammattaaq isumaqarpoq.

Kommunep suliaq suliareqqilersimagaa kommunep e-mailikkut 12. juni 2023-meersuk-kut aamma 15. juni 2023-meersukkut oqaatigaa.

Taamaalilluni Ombudsmandimit suliaq naammassineqarpoq.

(Oqaaseqaat 3. maj 2023-meersoq, j.nr. 2022-323-0005)

3.4 Avannaata Kommuniata suliamek sularinninnginnera piffissap suliamek sularinninnermut atorpeqartup ukiut sisamat sinnerlugit sivisussuseqarneranik kinguneqarpoq (2023-4)

Innuttaasup Avannaata Kommuneani siusinaartumik sulisinnaajunnaarnersiuteqalernisani 3. august 2018-imi qinnutigaa. Nakorsap uppersarsaasiussaa qinnuteqaatip sularineqarnerani atugassaq 9. august 2018-imi sularineqarpoq. Nakorsalli uppersarsaasiussaa ingerlateqqillugu immikkoortortaqarfimmut susassaqtumut nassiunneqanngitsoorpoq.

Innuttaasup kommune akissuteqaqqullugu 16. december 2021-mi aamma 27. december 2021-mi nukingisaarpaa. Kommunep innuttaasup taassuma nukingisaarutai tungavigalugit 27. december 2021-mi ataatsimeeqatigaa, suliameilli sularinninnermi iliuuserpiaasunik aallartitsinani.

Innuttaasup kommune 9. september 2022-mi nukingisaaqqippaa, taamaattumillu kommunep innuttaasoq 22. september 2022-mi ataatsimiinnissamut aggeqquaa.

Piffissaq kommunep suliamek sularinninnerminut atugaa innuttaasup uannut 4. oktober 2022-mi naammagittaalliutigaa.

Kommunep innuttaasoq tamatuma kingornatigut arlaleriarluni ataatsimeeqatigisarpaa, nakorsallu uppersaasiussaa nutaaq 8. december 2022-mi suliarineqarluni. Sulisinnaassuseqarnermut takussutissiaq 3. januar 2023-mi suliarineqarpoq.

Innuttaasup siusinaartumik sulisinnaajunnaarnersiuteqalerumalluni qinnuteqaatini 16. marts 2023-mi tunuartippaa.

Ombudsmandi isumaqarpoq suliaq innuttaasumut tunngasoq kommunep arlaleriarluni puigortarsimagaa kiisalu innuttaasoq aatsaat nukingisaaruteqaraangat suliami iliuuseqartoqartarsimasoq.

Suliap attorneqarani ukiut pingasut sinnerlugit uninngatinneqarsinnaasimanera kiisalu suliap suliarineqannginneranik kommunep nukingisaarutinik tigusaqarnermi kingornatigut aatsaat malugisaqarsimanera Ombudsmandip isorisariaqarlunnartutut isigai.

Piffissaq suliamik suliarinninnermut atorneqartoq katillugit ukiut sisamat sinnerlugit sivirususeqartoq Ombudsmandip isorisarialerujussuurtut isigaa.

(Oqaaseqaat 13. juni 2023-meersoq, j.nr. 2022-104-0043)

3.5 Kommunip angerlartitsisoqarnissaanik aalajangiisimanninnera kommunillu inissiisoqarnissaanik aalajangiinermik atuutsitsisimanninnera akuerineqarsinnaangilluinnartoq (2023-5)

Qeqqata Kommuneanit meeqqat sisamat angerlarsimaffiup avataanut inissinneqarsimasut pillugit anaanaasup naammagittaalliutai arlallit Ombudsmandip 2022-mi aamma 2023-mi tiguai. Anaanaasup naammagittaalliutai tunngavigalugit Ombudsmandi aalajangerpoq anaanaasup meerai sisamat pillugit angerlartitsinissamik suliaq nammi-neerluni misissuiffigiinarlugu.

Anaanaasup meerai sisamat angerlarsimaffiup avataanut nukinginnartumik inissinneqarput 22. juli 2016-imi. Meeqqat taakku sisamat angerlarsimaffiminnut 2018-imi pulaarnerminnut atatillugu anaanaasumiiginnarput, naak kommune angerlartitsisoqarnissaanik aalajangiisimangikkaluartoq.

Kommune angerlartitsisoqarnissaanik aatsaat 20. februar 2023-mi aalajangiivoq.

Ombudsmandi isumaqarpoq anaanaasup meeraasa sisamat angerlarsimaffiminnut nuunnginneranni kommunep angerlartitsisoqarnissaanik aalajangiisimanninnera kiisalu kommunep inissiisoqarnissaanik aalajangiinermik angerlartitsisoqarnissaanik aalajangiisoqarnissaata tungaanut atuutsitsisimanninnera Ombudsmandimit akueri-

neqarsinnaanngilluinnartutut isumaqarfigineqarpoq.

Ombudsmandip tamatumunnga atatillugu oqaatigaa kommune – angerlartitsisoqarnissaanik aalajangiinermut atatillugu – meeqqat sisamat taakku naammagittaalliornissamut periarfissaq pillugu periarfissamik ilitsersortariaqarnersut naliliisimangitsoq.

Ombudsmandi tamanna tunngavigalugu naliliivoq anaanaasup meeraasalu sisamat inatsitigtut illersugaanerat malunnaatilimmik innarlerneqartut.

Meeqqap angerlarsimaffiup avataanut inissinneqarsimasup angerlarsimaffimminut nuunnginnerani angerlartitsisoqarnissaanik meeqqanik tapersersuisarneq pillugu inatsit tunngavigalugu aalajangiisoqarsimanissaa kommunep siunissami qulakkeertassagaa Ombudsmandip inassutigaa. Kommunep suliani aalajangiiffiusimasuni meeraq naammagittaalliornissamut periarfissaq pillugu ilitsersortariaqarnersooq naliliisoqarsimanissaa qulakkeertassagaa Ombudsmandimittaaq inassutigineqarpoq.

Ombudsmandi isumaqarami suliami annertuumik kukkussuteqartoqarsimasooq sumiginnaasoqarsimasorlu, Inatsisartut Inatsisinut Ataatsimiititaliaat aamma kommunalbestyrelsi oqaaseqaammik Ombudsmandi pillugu inatsimmi § 23 tunngavigalugu nalunaarfigai.

E-mailikkut 8. september 2023-mi kommunimit ajuusaarutigineqarpoq anaanaasumut suliap suliarineqarnera eqqunngitsumik ingerlasimammatt. Kommunep tamanna tunngavigalugu oqaatigivaa ilaatigtut assingusumik kukkusoqaqqinnginnissaa kommunip sulisutigigaa.

Oqaatigineqartut ombudsmandimit tusaatissatut tiguneqarput suliarlu naammassineqarluni.

(Oqaaseqaat 3. juli 2023-meersoq, j.nr. 2023-907-0001)

3.6 Kommunep utoqqaat illuanni najugaqartussamik pineqartoq akuersitinnagu inissiisimanagera pissaanermillu atuisarneq pillugu inatsimmik taamani atuuttumik malinissimanginnera isorisariaqarluinnarpoq (2023-6)

Utoqqaat illuanni misissuineranut atatillugu ombudsmandi maluginiagaqarpoq, najugaqartoq piumangitsoq utoqqat illuanni najugaqartussatut 2020-mi inissinneqarsimasooq. Pisortaqatigiit aamma oqaatigaat najugaqartoq sinnerlugu oqartussaasumik toqqaasoqarsimangitsoq.

Ombudsmandi tamanna pissutigalugu kommunep utoqqaat illuanni najugaqartussamik inissiisimanera Ombudsmandi pillugu inatsimmi § 15, imm. 1 tunngavigalugu nammine-erluni misissuiffiginarlugu aalajangerpoq.

Kommunep najugaqartumik, taanna akuersitinnagu utoqqaat illuanni najugaqartussatut inissiisimanera, aamma kommunip pissaanermik atuisarneq pillugu inatsimmi taamani atuuttumi najugaqarfimmi najugaqartussatut akuersisitsinani inissiisarneq pillugu ma-littarisassamik malinnissimanginnera Ombudsmandip isorisariaqarluinnartutut isigai.

Kommunep najugaqartoq utoqqaat illuanni feriarniarloq isumaqalersillugu ingerlatsi-nermi ileqqorissaarneq unioqqutillugu salloqittarsimammagu, tamanna Ombudsman-dip akuerineqarsinnaanngitsutut isigaa, pineqartorpiarmi unaasimammatt, najugaqartoq utoqqaat illuanni ataavartumik najugaqalissasoq kommune aalajangiisimasoq.

Suliap ingerlasimanera tamakkerlugu kommunep uppersaasiisinnaasimanginne-ra taamalu pisortat ingerlatsinerat pillugu paasitineqarsinnaatitaaneq pillugu inatsit tunngavigalugu allattuisussaataitanerminik eqqortitsisimanginnera Ombudsmandip isorisarialittut isigaa.

Ombudsmandip kommune qinnuigaa, oqaaseqaatimi kommunep qanoq iliuuseqarnis-samut pissutissaqalersinneraa nalunaarutigeqqullugu.

Ombudsmandi suliame annertunerusutigut kukkussuteqartoqarsimaneranik sumigin-naasoqarsimaneranillu isumaqarmat, Inatsisartut Inatsisinut Ataatsimiititaliaat aam-ma Kommune Kujallermi kommunalbestyrelsi oqaaseqaat pillugu Ombudsmandi pillugu inatsimmi § 23 tunngavigalugu nalunaarfigai.

Kommunep allakkatigut 27. november 2023-mi ombudsmandimut oqaatigaa, ombuds-mandip oqaaseqaataanut kommune qanoq iliuuseqarniarneranik itisiliilluni akissute-qarsinnaanissaanut misissuisitsinissamik aallartitsisoqarnissaanik aalajangiisimasoq. Tamatumunnga atatillugu kommunemit oqaatigineqarpoq sammisani siunnersortit inatsisit aamma suleriaatsit pitsaanerumik taputartuunnerisa sulissutigineqarnerat ingerlaqqittoq. Kommunemittaaq oqaatigineqarpoq tamanna imatut isumaqartoq, aal-laqqaammut kommunep akissutaa siulleq taamaallaat ombudsmandip tigugallassagaa.

Kommunemit e-mailikkut 6. december 2023-meersukkut ombudsmandimut oqaatigi-neqarpoq, akissutissat sinnerinut kommune kinguaattoortoq. Peqatigitillugulu ilaatigut kommunemit oqaatigineqarluni siunissami siunnersuisuliinissaq pillugu eqqartuussivik ataatsimeeqatigiinnissamut aggersaasimasoq.

Ukiup nalunaarusiorfiusup naanerani ombudsmandimit suliap suli naammassineqarsi-mangilaq.

(Oqaaseqaat 26. juli 2023-meersoq, j.nr. 2021-907-0001)

3.7 Ukiumoortumik nalunaarutitut siusinnerusukkumeer-sunut malitseqartitsiviginneq

Ataani ersersinneqarput oqaaseqaatit marluk malitseqartinneqarneri, taakku siusinnerusukkut ukiumi nalunaarusiorfiusumi nalunaarutigineqarnikuupput. Suliati 2022-mut nalunaarusiami eqqartorneqarput, tamakkiisumillu avammut saqqummiuneqarnikuulutik ombudsmandeqarfiup nittartagaani.

Suliati ataani taaneqartut pisortat oqartussaaitaanit naammagittaalliuutigineqartutit malitseqartitsivigineqartut ombudsmandimit 2023-mi tiguneqarput, ombudsmandillu suliati pineqartut naammassillugit suliarisimavai.

2022-4 Suliami ombudsmandi isumaqarpoq, Qeqqata Kommunea meeqqamik tapersersuinissamik suliami amerlasuutigut ilungersunartunik kukkussuteqartarsimasoq, aamalu kommunep suliamik suliarinninnera ataatsimut isigalugu akuersaarneqarsinnaanngitsoq.

Ombudsmandip naliliinera unaavoq, kommune nalunaarutiginninnermik tigusaqaruni meeqqanik tapersersuisarneq pillugu inatsimmi § 19 eqqortikkumallugu kommunep siunissami qanoq iliuuseqartarnissani pillugu nammineq iluminni tunaartarisassanik aalajangersaanissani isumaliutersuutigisariaqaraa.

Ombudsmandittaaq isumaqarpoq innuttaasoq ilitserorneqarumalluni ikiorneqarumallunilu qinnuiginnippat suliassat suliarineqartarnerat pillugu inatsimmi § 7, imm. 1 eqqortikkumallugu kommunip siunissami qanoq iliuuseqartarnissani pillugu nammineq iluminni tunaartarisassanik aalajangersaanissani isumaliutersuutigisariaqaraa.

Kiisalu ombudsmandi isumaqarpoq tamanna meeqqap immikkut pisariaqartitaanut pingaaruteqartut kommunalbestyrelsi isigippagu, meeqqanik tapersersuisarneq pillugu inatsimmi § 21 tunngavigalugu aalajangiisoqartarnissaa qulakkeerniarlugu kommunep siunissami qanoq iliuuseqartarnissani pillugu nammineq iluminni tunaartarisassanik aalajangersaanissani isumaliutersuutigisariaqaraa.

Kommunemit 14. december 2022 ombudsmandimut nalunaarutigineqarpoq, kommunemi nalunaarutiginninnermik tigusaqarnermi iluminni atugassanik malittarisassaqaartoq. Kommunemit oqaatigineqarpoq sulianik suliaqarnermi systemip nutaap, Get Organized, atuutitineqalernerani ajornannginnerulissasoq suliati malinnaavigineqarsinnaaneri aamma qulakkeerinissutaassasoq nalunaarutiginninnerit iliuuseqarfigineqarnerinut.

Kommunemit 18. januar 2023 nassiuuneqarpoq kommunep ilitserasuuta meeqqanut suliani siunnersuinerit aamma ilitserasuinerit pillugit. Ilitserasuummi tamatumani ilaatigut erserpoq, siunnersuinerup ingerlanerata naammassinerani sullissisup naliliiffigissagaa, ilaqutariinnut sullissiviup misissuinissaa pisariaqarnerisooq imaluunniit isumaginninnik-

kut misissuisoqassanersoq naliliiffiqineqarluni allanik sulii ikiorsiissuteqartoqassanersoq.

Kommunemit 31. januar 2023 nassiunneqarpoq Get Organized atorlugu sullissinermi systemip allaaserineqarnera, tamatumani kommunemit ilaatigut oqaatigineqarluni sullissinermi systemi sullissisunut ilitsersuutaalluartoq aamma qulakkeerneqartoq sullissit ilitsersuummik naammassinninnissaannik sammisami atuuttutigit.

Ombudsmandimit kommunemit oqaaserineqartut tusaatissatut tiguneqarput taamaalil-lunilu tamanna tunngavigalugu suliaq naammassineqarluni.

2022-6 Suliami Ombudsmandi isumaqarpoq Kommuneqarfik Sermersuup qullersaqar-fimmini sulisut taakkualu ilaqutaasa, matumani meeqqat 18-it inorlugit ukiullit anger-larsimaffimmi najugaqartut ilanngullugit eqqarsaatigalugit, feriami akiliunneqarlu-tik ukiumoortumik angalaneranut aningaasartuutunik akiliisarnera inatsisitigit tunnga-vissaqarani aningaasartuutunik akiliinerusoq, kommunelu taamaalilluni sulisut taakkua iluaqutissarsitinneqarnerinut aningaasanik inatsisitigit tunngavissaqarani atuisima-soq. Ombudsmandip kommune suliami qinnuigaa, oqaaseqaatimi kommune qanoq iliuu-seqarnissaanut pissutissaqalersinneraa nalunaarutigeqqullugu.

Kommunep allakkatigut 24. februar 2023-meersukkut nalunaartigaa Ombudsmandip oqaaseqaataa kommunep tusaatissatut tigugaa. Pisortat pillugit Ataatsimut Isumaqa-tigiissummi inatsisitigit tunngavissaqannginnera kommunep isumaqatigaa. Kommunep oqaatigaa qullersaqarfimmi sulisunut isumaqatigiissutit suliarineqartarnerinut atatil-lugu periaasitoqaa isumaqatigiissummi allannguut eqqumaffiginngitsoorlugu atorne-qartarsimasooq. Qullersaqarfimmi sulisut akiliunneqarnissamat taarsiullugu feriarnis-samat tapinik 16.500 kr.-nik tunineqarnissaminnut periarfissaqarput.

Kommunep oqaatigaa qullersaqarfiup feriami angalaneranut akiliussisarnera tusarniaa-soqareernerata kingornatigut 2022-mi novemberip naanerani kommunemit atorunnaar-sinneqarsimasooq. Kommunep aamma oqaatigaa feriami akiliunneqarluni angalanerit/feriarluni akiliunneqarluni angalanissamat tapit suliarineqartarnerat aaqiivisimagaa, taamaalillutik isumaqatigiisutit atuuttut malinneqalersimallutik, siunissamilu isuma-qatigiisutaajumaartuni allannguutit eqqumaffigineqartorujussuanngortut.

Suliat suliarineqarnera tamanna tunngavigalugu Ombudsmandip unitsippaa.



Saarlumi innuttaasut septembarimi periarfissaqarput ombudsmandip sulisuinik oqaloqateqarnissaminnik.

Ombudsmandip suliat arlalissuit Ombudsmandip nittartagaatigut saqqummiunneqanngitsut ukiut tamaasa sularisarpai. Suliat Ombudsmandip 2023-mi sularisimasai tamanut saqqummiunneqanngitsut arlallit immikkoortumi matumani eqqartorneqarput.

4.1 Allattuisussaatitaanerup malinneqannginnerata kingunerivaa ombudsmandip suliamik suliaqarnissaraluamini unititsineranik

Suliap aalajangiivigineqarnerani paasissutissat pingaarutillit pisortap oqartussaati-taasup allattussavai. Tamanna ersersinneqarpoq pisortat ingerlatsinerat pillugu paasitinneqarsinnaatitaaneq pillugu inatsimmi § 6, imm. 1-imi. Allattuisussaatitaanerup siu-nertaa tassaavoq suliaq soorlu suliamik sularinnittumut allamut tunniunneqarpat suli-ami paasissutissat tammanginnissaannik qulakkeerinnineq. Oqartussaasup eqqor-tumik tunngavilersorluagaasumillu aalajangiisarnissaa allattuisussaatitaanerup taa-maalilluni qulakkeereqataaffigivaa.

Suliami susoqarsimanerata kingusinnerusukkut uppernarsarneqarsinnaanera allattui-sussaatitaanerup aamma qulakkeerinneqataaffigivaa. Oqartussaasup allattuisussaatita-nermik eqqortitsinera oqartussaasup ilumut eqqortumik iliuuseqarsimaneranik pit-saasumik nakkutilliinissamut tamatuma saniatigut periarfissiivoq, tassami paasissutis-sat suut oqartussaasup piginerai pigisimaneraaluunniit aamma qanga pigisimanerai er-seqqissumik takuneqarsinnaasarmat.

Oqartussaasoq "paasissutissanik suliami pissusiviusunut tunngassunik suliap aalaja-ngiiffigineqarneranut pingaaruteqartunik oqaasiinnartigut pissarsisoq, paasissutissa-nilluunniit allatut iliorluni paasisaqartoq paasissutissat taakku imaat pillugit allattuis-saaq" Taamaattumik allattuisussaatitaaneq atuuttarpoq, oqartussaasup paasissutissa-nik taakkuninnga qanoq iliorluni paasisaqarsimanera apeqquataatinngau.

Innuttaasoq 2022-mi Kommuneqarfik Sermersuup ernerminik ikiuutinnginnera pillugu ombudsmandimut naammagittaalliuuteqarpoq, saaffiginnittarnerminilu kommunip su-liamik sularinninerani piffissaq atorneqartoq pillugu.

Ombudsmandi suliamik misissuilluni aallartippoq, kommunemiillu tamanna tunngaviga-lugu ombudsmandimut suliap pappialartai oqaaseqaallu nassiuunneqarput, tassani kom-munemit nassuiaatigineqarluni suliap ingerlasimanera qulliinerusut aqutugalugit.

Kommunep oqaaseqaatimini oqaatigivaa innuttaasumit saaffiginninnerpassuit pisarsi-masut, kisiannili paasissutissiissutigineqaratik saaffiginninnermi piffissat aamma kom-

munep oqaaseqaataa imarisai. Innuttaasup saaffiginnittarneri tunngavigalugit kom-mune nalunaarsuiffimmut journalinut allattuiffimmik pilersitsisimangilaq.

Kommunep oqaaseqaataa pillugu ombudsmandimit innuttaasooq tusarniaaffigineqar-poq, taannalu kommunep oqaaseqaataa pillugu oqaaseqarluni, tassunga ilanngullugu in-nuttaasooq kommunemut arlaleriarluni saaffiginnittarsimavoq aamma saaffiginnissutit pineqartut imarisaat pillugit nassuiaateqarluni.

Kommunemit oqaatigineqarpoq nassiuuneqarsimasut saniatigut journalimut allattui-soqartarsimangitsoq allanilluunniit uppernarsaatinik journaliortoqartarsimangit-soq innuttaasup saaffiginnissutigisartagai pillugit. Peqatigitillugu kommunemit oqaati-gineqarpoq allattuisussaataaneq kommunep sulisuinut erseqqissaatigineqassasoq.

Ombudsmandi naliliivoq, suliami innuttaasup aamma kommunep suliap ingerlasimanera pillugu nassuiaataanni imminnut assortuuttoqartoq, pingaartumik apeqqummi ikioqqul-luni qinnuteqarnermi piffissaq pillugu, aamma qanoq innuttaasup piffissami qaamma-tit marlussunnik sivisussuseqartumi arlaleriarluni kommunimut saaffiginnittarsimane-ri pillugit.

Ombudsmanimit oqaatigineqarpoq suliap pappialartaani journalikkut allattukkanik ta-kusassaqaangitsoq, eqqarsaatersuutigineqartut aamma qanoq annertutigissanersoq kommunep ikiunissamik neqeroorutaa, taamaallilunilu ombudsmandi suliami pissutsit piviusut naliliiffigissallugit naammattumik tunngavissaqarani.

Ombudsmandimit oqaatigineqarpoq allattuisussaataaneq qulakkeerinneqataaffigi-sussaagaa, kingusinnerusukkat suliami qanoq pisoqarsimaneramik uppernarsaanissaq. Tamatuma saniatigut pisortat oqartussaataata periarfissaqarpoq sunniuteqarluartumik nakkutigissallugu pisortat oqartussaataata eqqortumik iliorsimanesooq, tassami pisor-tat oqartussaataaneq paasissutissat suut aamma qanga tiggummineqarsimanesut ta-makkiisumik takuneqarsinnaassammata.

Ombudsmandip paasinninnera unaavoq, suliami assortuuttumik nalunaarutiginnittoqar-toq, suliallu pappialartai pigineqartut tunngavigalugit pineqartuni immikkoortuni aala-jangiiffiusussani paasinnilersitsinatik. Tassunga ilanngullugu innuttaasup kommunemut saaffiginnittarnerisa allattorneqartarsimane-ri takussutissaqaangimmata.

Tamanna tunngavigalugu ombudsmandip pisariaqarneratut qularnaassuseqartumik qu-laajarsinnaangilaq suliami susoqarsimanesooq, taamaattoqarsimappallu qanga. Taa-maattumik ombudsmandi naliliisnaangilaq kommunip piffissaq suliap suliarineranut atugaa pillugu, tassunga ilanngullugu innuttaasup kommunemut saaffiginnittarneranut suliqarnermi piffissaq siviullaarsimanesooq.

Ombudsmandi naliliivoq, kommune inatsimmi allattuisussaataaneq pillugu malittari-sassamik malinninnginnera ajuusaarnarluinnartuusoq. Tamanna tunngavigalugu Inatsi-sartut Inatsisinut Ataatsimiititaliaat aamma Kommuneqarfik Sermersuumi kommunal-

bestyrelsi tamatumingga ombudsmandimit nalunaarfigineqarpoq.

Tamatumunnga atatillugu maluginiarpara allattuisussaataaneq pillugu malittarisasap eqqaamaneqarnissaa kommunimi sulisunut erseqqissarneqarniartoq kommunep paasissutissiisutigaa.

Suliamik suliarinninnera matumuuna unitsippara.

(J.nr. 2022-159-0002)

4.2 Nuna tamakkerlugu nalunaarutiginnittarfik

Ombudsmandi suliamik nammineerluni misissuiffiginnilersinnaavoq oqartussat sulianik suliarinninnerat pillugu. Tamanna ersersinneqarpoq Ombudsmandeqarneq pillugu inatsimmi § 15-imi.

2023-mi ombudsmandip Meeqqanut, Inuusuttunut Ilaqutariinnullu Naalackersuisoqarfik misissuiffigalugu aallartippaa nalunaarutiginnittarnerit pillugit nuna tamakkerlugu nalunaarutiginnittarfimmik aqqissuussinerup pilersinneqarnissaanut atatillugu.

Meeqqat tapersorsorneqarnissaat pillugu inatsimmi ersepoq, Naalackersuisut pilersitsissasut nuna tamakkerlugu nalunaarutiginnittarfimmik, tassani pineqarlutik nalunaarutiginnittussaataanerit nalinginnaasut, sakkortusisamillu nalunaarutiginnittussaataanerit aamma kommunet akunnerminni nalunaarutiginnittussaataanerit meeqqat tapersorsorneqarnissaat pillugu inatsimmi §§ 15-17 malillugit.

Meeqqat tapersorsorneqarnissaat pillugu inatsisip oqaaseqaatitaani allassimavoq, nuna tamakkerlugu nalunaarutiginnittarfimmik ataqatigiissumik aqqissuussinerup siunertarigaa qulaani taaneqartut nalunaarutiginnittarnerit tamakkerlugit takuneqarsinnaalernissaat.

Tamanna tunngavigalugu ombudsmandimit naalackersuisoqarfik qinnuigineqarpoq oqaatigeqqullugu, ilaatigut naalackersuisoqarfik nuna tamakkerlugu nalunaarutiginnittarfimmik ataqatigiissumik aqqissuussinermik pilersitsisimanersoq meeqqat tapersorsorneqarnissaat pillugu inatsimmi § 18, imm. 1 naapertorlugu.

Naalackersuisoqarfimmit oqaatigineqarpoq suli nuna tamakkerlugu nalunaarutiginnittarfimmik ataqatigiissumik aqqissuussinermik pilersitsisoqarsimangitsoq, meeqqat tapersorsorneqarnissaat pilugu inatsimmi § 18, imm. 1 naapertorlugu.

Imatut paasivara, naalackersuisoqarfiup 2018-imi piareesaanerit aallartissimagai nuna tamakkerlugu nalunaarutiginnittarfimmik ataqatigiissumik aqqissuussinermik pilersitsinissaq pillugu, meeqqat tapersorsorneqarnissaat pillugu § 18, imm. 1 malil-

lugu. Ombudsmandip paasinninnera unaavooq, naalackersuisoqarfimmit nuna tamakkerlugu nalunaarutiginnittarfimmik pilersitsinissap piareersarneqarnera aallartinneqarsimasooq, kisiannili kinguaattooruteqarsimasut aqqissuusaanikkut allanngortiterinerit aamma inerisaanermi sulianik nutaanik Isumaginninnermi Aqutsisoqarfimmi annertuumik suliaqarneq pissutigaaqalugu.

Aamma naalackersuisoqarfimmit oqaatigineqarpoq inatsisissatut siunnersuut meeqqat tapersorsorneqartarneranni inatsimmi allannguinnissaq pillugu tusarniaassutigineqarsimasooq. Ombudsmandimit imatut paasineqarluni, inatsisissatut siunnersuut taanna ilaatigut imaqartoq aalajangersaasoqarnissaanik kommunit pisussaaffilerneqarnissaanik kisitsisinngorlugit paasissutissanik assigisaanillu nassitsisarnissaanik, Naalackersuisup piumasaqarneratigut. Naalackersuisoqarfik naliliivoq tamatuma nalunaarutiginnittarnek nuna tamakkerlugu nalunaarutiginnittarfimmik ataqatigiissumik aqqissuussinermik pilersitsinissami periarfissat ajornannginnerulersissagai.

Naalackersuisoqarfimmit oqaatigineqanngilaq pilersaarusiornermik aalajangersimasuumik, qanoq imaluunniit qaqugu naalackersuisoqarfik qulakkeerinninniarnersoq nuna tamakkerlugu nalunaarutiginnittarfimmik ataqatigiissumik aqqissuussinermik pilersitsisoqarsinnaanersoq meeqqat tapersorsorneqarnissaat pillugu inatsimmi § 18, imm. 1 naapertorlugu.

Tamanna tunngavigalugu ombudsmandi naliliivoq naalackersuisoqarfiup meeqqat tapersorsorneqarnissaat pillugu inatsit 1. juli 2017-imili atuutilersinneqarmat meeqqat tapersorsorneqarnissaat pillugu inatsimmi nuna tamakkerlugu nalunaarutiginnittarfimmik aqqissuussinermik pilersitsisoqarnissaanik piumasaqaatigineqartoq malissimangikkaa.

Taamaattumik ombudsmandimit misissuineq unitsiinnarneqarpoq.

Ombudsmandip paasinninnera malillugu suliami annertuumik pingaarutilimmi kukusoqarsimammatt sumiginnaasoqarsimammallu Ombudsmandimit Inatsisartut Inatsisinut Ataatsimiititaliaat aamma Naalackersuisut suliaq pillugu nalunaarfigivai, ombudsmandeqarneq pillugu inatsimmi § 23 malillugu.

Tamanna tunngavigalugu ombudsmandimit suliaq naammassineqarpoq allamilu iliuseqaqqittoqassanngilaq.

(J.nr. 2023-904-0001)

4.3 Ombudsmandip pisinnaatitaanerani ilaatinneqanngillat ingerlatseqatigiiffiit/aktietileqatigiiffiit Namminersorlutik Oqartussanit pigineqartut

Ombudsmandi innuttaasut naammagittaalliuutaannik ataavartumik tigusaqartarpoq ingerlatseqatigiiffinnut/aktietileqatigiiffinnut tunngassuteqartunik Namminersorlutik Oqartussanit pigineqartut pillugit.

Namminersorlutik Oqartussat ingerlatseqatigiiffii/aktietileqatigiiffii pilersinneqarnikuupput namminersortutut tunngaveqartumik, ingerlatseqatigiiffiillu pisortat ingerlatsineranni ilaatinneqaratik. Taamaattumik aallaavittut ombudsmandi ingerlatseqatigiiffinnut/aktietileqatigiiffinnut pisinnaatitsissummik peqarani. Tamanna ombudsmandeqarneq pillugu inatsisip § 7, imm. 1-iata malitsigivaa.

Ombudsmandilli ombudsmandeqarnermi inatsimmi § 7, imm. 3 malillugu aalajangersinnaavaa, suliffeqarfiit namminersortut il.il. inatsisikkut imaluunniit aqutsinermi allaffisornikkut aalajangiinikkut pisortat ingerlatsinerat pillugu inatsiseqartitsinermi atuutumi malittarisassanut tunngavinnullu tamakkiisumik ilaannakortumilluunniit ilanngunneqarpata Ombudsmandi aalajangiisinnaavoq suliffeqarfiit pineqartut tamatuma anertoqataanik Ombudsmandip sulinerani pineqartunut ilaatinneqassasut.

Assersuutigalugu ombudsmandi 17. februar 2017-imi aalajangiivoq, Greenland Business A/S ombudsmandip sulineranut ilaatinneqassasoq suliassat suliarineqartarnerat pillugu inatsimmi aamma paasitinneqarsinnaatitaaneq pillugu inatsimmi ilaatinneqarnerata annertoqataanik. Ombudsmandip aalajangiinera ilaatigut takuneqarsinnaavoq ombudsmandip nalunaarutaani 2017-imeersumi imm. 1.3-mi.

Nalinginnaasumik ombudsmandip pisinnaatitaaffiisa misissornerini ingerlatseqatigiiffiit/aktietileqatigiiffiit Namminersorlutik Oqartussanit- aamma kommuninit pigineqartut pillugit ersersinneqarput ombudsmandip nalunaarusaani 2016-imi imm. 3.2-mi.

2023-mi ombudsmandi innuttaasumiit tigusaqarpoq Namminersorlutik Oqartussat ingerlatseqatigiiffiutaat/aktietileqatigiiffiutaat pillugu naammagitaalliummik, taakku ilaasunik angallasisuupput. Innuttaasoq bilitsisisimavoq, kingornatigullu innuttaasup taamaatissimavai. Innuttaasup naammagittaalliuutigivaa nammineq akiliugisaminit anikinnerusumik ingerlatseqatigiiffiup taamaatitaminik aningaasanik utertitsinera.

Ingerlatseqatigiiffik/aktietileqatigiiffik inatsisitigut imaluunniit allaffisornikkut malittarisassanut paasitinneqarsinnaatitaaneq pillugu inatsimmi ilanngunneqarsimannigilaq. Naammagittaalliuutigineqartup suliarinissaanik ombudsmandi itigartitsissuteqarpoq pisinnaatitaaffimminut ilaangimmat tassunga atatillugu ombudsmandi pillugu inatsimmi § 7, imm. 1 innersuussutigineqarpoq.

Ombudsmandimit saaffiginnissut naammagittaalliuutitut atuisoqarnermut aamma aningaasanik utertitsinissamut attuumassuteqartutut paasineqarmat, ombudsmandimit oqaatigineqarpoq innuttaasumut eqqarsaatigeqquneqarluni Atuisoqarnermut Unammilleqatigiinnermullu Aqutsisoqarfik saaffigisinnaagaa, paasiniarlugu Atuisoqarnermut Unammilleqatigiinnermullu Aqutsisoqarfik pisinnaatitaaffeqarnersoq pisassamik utertitsiniarluni naammagittaalliuut pillugu suliaqarsinnaanersoq.

(J.nr. 2023-872-0001)

4.4 Ombudsmandip inatsisit aamma ilitseruutit imminnut naapertuutingerat pillugu misissuina

Ombudsmandip naammagittaalliummik suliaqarnerminut atatillugu malugivaa meeqqat tapersorsorneqarnissaannut inatsisaat aamma Isumaginninnermik Aqutsisoqarfiup Kommuneni pisortaqarfinni meeqqat tapersorsorneqarnissaannut inatsimmut ilitseruusaa imminnut naapertuutingerat.

Oqartussaasunut ilitseruummit skabelonitalimmit erserpoq oqartussaasut isumaginninnikkut misissuinerup aallartinneqarnissaanik aalajangiissassasut, aalajangiinerlu taamaattoq Isumaginninnermi Naammagittaalliuuteqartarfimmut naammagittaalliuutigineqarsinnaasoq.

Ombudsmandip paasinninnera malillugu, pisortaqarfinni meeqqat tapersorsorneqarnissaannut inatsimmut ilitseruusaa meeqqat tapersorsorneqarnissaannut inatsimmi oqaasertaanut naapertuutingerat.

Meeqqanik tapersersuisarneq pillugu inatsimmi § 45 isumaginninnikkut misissuinerut isumaginninnikkullu misissuinerit imarisaat pillugit piumasaqaatinut tunngasoq suliasat suliarineqartarnerat pillugu inatsimmi aalajangiinnermik oqartarnerut aalajangiisoqarnissaanik aalajangersaasuunngilaq piumasaqaateqarfiunaniluunniit. Tamanna aalajangersagaq taanna pillugu immikkut oqaaseqaatini aamma eqqaaneqanngilaq.

Meeqqat tapersorsorneqarnissaannut inatsimmi § 19-imi aalajangersakkami pineqartoq tassaavoq kommunep nalunaarutigineqartumik tigusaqarnermini iliuseqarnissamut pisussaaffia. Aalajangersakkamit ersersinneqarpoq kommuni nalunaarummik tigusaqarnermi aalajangiissasoq isumaginninnikkut misissuisitsinissamik tunngavisarnersoq. Aalajangersakkap immikkut oqaaseqaatitani ilaatigut ersersinneqarpoq:

“Aalajangersakkap naqissuserpaa isumaginninnikkut misissuinissaq aallartinneqassanersoq kommunalbestyrelsip aalajangiiffigissagaa. Aalajangersakkap siunertaqarluni atortarpaa inunnik isumaginninnermi oqariartaaseq atornerqartartoq ”aalajangiineq” atornagu ”naammassisaqarneq” atornerqarpoq, taamaasiornermigut qulakkeersimajumallugu inunnik isumaginninnermi naammagit-

taallioortarfimmuut naammagittaallioortoqarsinnaannginnissaa, kommunalbestyrelsip isumaginninnikkut misissuinermik aallartitsinissamik aalajangiineranut, imaluunniit isumaginninnikkut misissuinermik aallartitsinnginnissamik aalajangierneranut.”

Naammagittaalliummik itinerusumik ombudsmandip suliaqarnerminut atatillugu Isumaginninnermi Naammagittaalliuuteqartarfik saaffigivaa, uppersarsarpaallu isumaginninnermut atatillugu misissuinermik aallartitsineq Isumaginninnermi Naammagittaalliuuteqartarfiup isumaa malillugu sulianik suliaqartarnermi inatsisikkut paasillugu aalajangiinertut isigineqarneq ajortoq.

Isumaginninnermi Naammagittaalliuuteqartarfiup oqaatigaa Isumaginninnermi Naammagittaalliuuteqartarfik isumaginninnikkut misissuinermik aallartitsisoqarnera pillugu naammagittaalliuutinik suliarinninnissaminut pinnaatitaanngitsaq.

Kiisalu Isumaginninnermi Naammagittaalliuuteqartarfiup oqaatigaa isumaginninnikkut misissuinermik aallartitsineq pillugu naammagittaalliuutit suliarinissaat Isumaginninnermi Naammagittaalliuuteqartarfiup itigartitsissutiginiaraa.

Tamanna tunngavigalugu 26. juli 2023-mi ombudsmandi Isumaginninnermik Aqutsisoqarfimmuut saaffiginnissuteqarpoq. Ombudsmandimit innersuussutigineqarpoq aqutsisoqarfiup oqartussaasunut ilitersuusissaa aamma skabelonit suliarineqarsimasut kommunenit ulluinnarni isumaginninnikkut misissuinerup aallartinneqarnerani atugassarigaat. Ombudsmandimit oqaatigineqarpoq kukkunikkut isumaqartoqarsimagunartoq kommune aalajangiissasoq pisortat ingerlatsineranni suliassat suliarineqartarnerat pillugu inatsit malillugu isumaginninnikkut misissuinerit aallartinneqartassasut. Taamaalluni inatsisitigut ilitersuinnikkullu naapertuutitngitsoqalerluni. Aamma ombudsmandimit oqaatigineqarpoq Isumaginninnermik Aqutsisoqarfiup oqaatigisimagaa, Isumaginninnermi Naammagittaalliuuteqartarfiup ombudsmandip inatsimmik paasisinnera isumaqatigigaa.

Ombudsmandimit Isumaginninnermik Aqutsisoqarfik qinnuigineqarpoq suliamut atatillugu oqaaseqaateqartoqassasoq, tassunga ilanngullugu Isumaginninnermik Aqutsisoqarfik suliamut atatillugu qanoq iliornialersaarnersoq.

Isumaginninnermik Aqutsisoqarfimmit ombudsmandimut oqaatigineqarpoq, oqaatigineqartut tigulluarneqarsimasut. Tamatuma saniatigut Isumaginninnermut Aqutsisoqarfiup nalunaarutigaa oqartussaasoqarfiit pillugit ilitersuut iluarsaanneqassasoq malitsigitillugulu kommunenut tamanut nassiuunneqassasoq.

Oqaatigineqartut Ombudsmandimit tusaatissatut tiguneqarput tamatumalu kingorna suliami iliuuseqaqqinngilaq. Peqatigitillugu ombudsmandimit Isumaginninnermi Naammagittaalliuuteqarfik aamma Meeqqanut, Inuusuttunut Ilaqutariinnullu Naalakkersuisoqarfik suliap inerneranik ilisimatinneqarput.

(J.nr. 2023-904-0002)

4.5 Soraarnissaq pillugu isumaqatigiissutit tamakkiisumik inaarutaasumillu aalajangiiffigisat illuatungeriit akornanni qanorluunniit piumasaqaatitallit pillugit naammagittaalliutit ombudsmandimit suliarineqarneq ajorput

Ombudsmandi ataavartumik innuttaasunit naammagittaalliutininik tigusaqartarpoq, naammaginninngitsunik pisortani atorfinitsitaanermit sulisitsisorisimasaminnit soraarsitaasimatillutik. Saaffiginnissutit ilaanni pineqartarput soraarnissaq pillugu isumaqatigiissutit naammagittaalliutigineqarneri, naammagittaalliortup sulisitsisullu pineqartup akornanni suliunnaarnermi isumaqatigiissutaasimasut.

Aamma taamatut pisoqarpoq 2023-mi, tassani innuttaasup pineqartup atorfeqarnermi isumaqatigiissutip kipitinneqarnerani pissuserineqartoq naammagittaalliutigivaa.

Suliap pappialartaanit ersersinneqarpoq, atorfeqartitaanerup kipitinneqarneranut atillugu naammagittaalliortup aamma suliffigisimasaata soraarnissaq pillugu isumaqatigiissusiorsimanagerat, sulisitsisup aamma naammagittaalliortup akornanni paaseqati-giinnikkut isumaqatigissutigineqartumik imaqartoq.

Soraarneq pillugu isumaqatigiissummi erserpoq, isumaqatigiissut pisimasoq "illua'tungeriit akornanni piumasaqaataasinnaasut suulluunniit tamakkiisumik inaarutaasumillu aalajangiussaqaarfigalugit, aammalu inatsisitigut inissisimaffinnik annaasaqarfiunngitsumik".

Pisortatigoortumik atorfeqartitsinerit kipitinneqarsinnaapput isumaqatigiissusiorluni soraarneq imatut iluseqartillugu, tassa pisortatigoortimik atorfillitap tunngavis-saqanngitsumik soraarsitsineri illersorneqarsinnaanermut pisinnaatitaaffinnik pisortat innuttaasullu akornanni inatsisitigut inissisimaffinnik malittarisassani allaqqasunik atuinngitsoorneratigut. Matumani Eqqartuussiviit Qullersaanni eqqartuussissutit marluk, Ugeskrift for Retsvæsenimi naqinneqarsimasut, 2005, qup. 616 aamma 622, malineqarput.

Eqqartuussutini qulaani taaneqartuni Eqqartuussiviit Qullersaanit pingaartinneqarpoq, ingerlatsinermit tunngasutigut eqqartuussissutitigut imaluunniit atorfinitsitsiner-mi eqqartuussissutitigut malittarisassat malillugit inerteqqutaanngimmata soraarnis-saq pillugu isumaqatigiissutit taamaattut. Peqatigitillugu Eqqartuussiviit Qullersaanit pingaartinneqarpoq, soraarnissaq pillugu isumaqatigiissutit aamma pisortat suliffeqar-fiini ukiorpassuarini atorneqartarsimmata, aamma soraarnissaq pillugu isumaqati-giissuteqarneq ilapertuutaasinnaammat naleqquttumik pisariaqartitat naapertorlugit isumaqatigiinniarnep naammassineqarnissaani, tamanna illua 'tungeriinnit iluaqutaasussaaammat.

Isumaqatigiissusiorsimaneq sumilluunniit akertilinissamat periarfissiinngippat, ombudsmandi atorfeqartitaanerup kipitinneqarnerani periarfissaqanngilaq pivusiorsior-

tumik misissuisinnaanermut. Eqqartuussisut Qullersaannit eqqartuussutit taakku marluk malitsigisaasa kingunerivaat, ombudsmandip suliassarinnngimmagu suliat suliarineqartarnerini inatsimmi piumasaqaataasup suliap suliarineqarnerani soraarnissaq pillugu isumaqatigiissuteqarnikkut malinneqarsimanissaa.

Soraarnej pillugu isumaqatigiissut taamaattoq pissutsit aallaavigalugit eqqartuussiveqarfimmut tunniunneqarsinnaavoq, eqqartuussiveqarfimmilu isummerfigineqarsinnaavoq isumaqatigiissummi isumaqatigiissuteqartarnermi inatsisitigit malittarisassat atuuttuusut eqqortinneqarsimanersut.

Naammagittaalliuuteqartumut ombudsmandimit oqaatigineqarpoq, aalajangersimasumik periuseqarnikkut suliat taama ittut isummerfigineq ajorai taamaattumillu naammagittaalliuutaa sularisinnaanagu.

Kiisalu naggataatigit ombudsmandimit saaffiginnissutaa imatut paasineqarpoq, akissarsiarisimasatigit feriemullu tunngasutigit inissisimanera ombudsmandimit nalilliiffigineqarnissaa kissaatigigaa.

Tassungaa atatillugu ombudsmandimit oqaatigineqarpoq, aalajangersimasumik periuseq malillugu pisuni piviusuni inatsisinik aallaaveqartunik ilitersuussisarani. Akissarsiati-gut feriestatigullu pisinnaatitaaffiit pillugit apeqqutit qulaani pineqartut nalunaajarlugit misissuiffigineqarnissaat pillugu kattuffimminut saaffiginninnissaa eqqarsaatersuutigeqquneqarluni.

(J.nr. 2023-323-0010)



5

OMBUDSMANDI PILLUGU INATSIMMI § 11 TUNNGAVIGALUGU NALUNAARUTIGINNINEQ

Ombudsmandi pillugu inatsimmi § 11-kkut aalajangersarneqarpoq Inatsisartut inatsisaanni, Inatsisartut peqqussutaanni imaluunniit aqutsinermi allaffissornikkut aalajangersakkani atuuttuni amigaateqartoqarneranik paasisaqaruni tamanna pillugu Inatsisartunut Naalackersuisunullu nalunaaruteqassaaq. Kommunini aalajangersakkat amigataat eqqarsaatigalugit kommunalbestyrelsimut pineqartumut aamma taamatut nalunaaruteqassaaq.

2023-mi Ombudsmandi pillugu inatsimmi aalajangersagaq taanna tunngavigalugu Ombudsmandi nalunaarutigisaqanngilaq.



Ombudsmandeqarfirmmit misissuiartortitat majimi Paamuliarput paaqqinniffiit Puilasunnguit aamma Palleq misissuiffiartorlugit.

Misissuinerit pillugit ataatsimut oqaatigisassat

Paaqqinniffiit ataasiakkaat najugaqartuutiminnik pitsaasumik pinninersut malittari-sassanillu paaqqinniffinnut ataasiakkaanut atuuttunik eqqortitsinersut paasiniaaneq Ombudsmandip misissuisarnerisa siunertaraat. Misissuineri paaqqinniffiit initaat ataatsimullu aqqissuunneqarneri misissuiartortunit aamma misissorneqartarput. Misissuiartortut pisortaqatigiinnik, sulisunik, najugaqartunik najugaqartullu ilaqutaannik oqaloqatiginnittarput.

Paaqqinniffiit misissuineq sioqqullugu allakkatigut kalerrinneqarajuttarput, Ombudsmandili siumut kalerreeqqaarnani aamma misissuisinnaavoq.

Misissuinerit Ombudsmandeqarfimmit misissuiartortunit ingerlanneqartarput. Ombudsmandip Meeqqat Oqaaseqartartuat, Innarluutillit Oqaaseqartartuat aamma Utoqqaat Oqaaseqartartuat misissuineri Ombudsmandip naleqquttutut isigisaani peqataaqqullugit qaaqqsarpai.

Ombudsmandip nalunaarusiaq misissuinerup kingornatigut suliarisarpaa. Ajornartorsiutit suut misissuiartortut misissuinerinni maluginiarsimaneraat nalunaarusiami tassani allaaserineqartarput. Ombudsmandip paaqqinniffinnut ataasiakkaanut kaammattuutai nalunaarusiami aammattaaq takuneqarsinnaapput.

Misissuinerit tamakkua saniatigut Namminersorlutik Oqartussani oqartussaasunut kommunemiluunniit paaqqinniffiup inissisimaffigisaaniittumi kommunalbestyrelsimut saaffiginninissamut pissutissaqalersitsisinnaapput.

2023-mi misissuinerit pillugit takussutissiaq

Ukioq taanna misissuinerit pillugit takussutissiaq tulliuullugu takutinneqarpoq, misissuinerit ataasiakkaarlugit naatsumik allaaserinninnermik malitseqartumik. Misissuinerit pillugit nalunaarusiat eqikkagaangitsut Ombudsmandip nittartagaani www.ombudsmandi.gl-imi atuarneqarsinnaapput.

Ulloq	Paaqqinniffik	Paaqqinnif- fiup suussu- sia	Peqataasut avataaneer- sut	Najugaqar- tut/unin- ngasut oqa- loqatigine- qartut	Sulisut oqa- loqatigine- qartut	Ilaqutaasut oqaloqatigi- neqartut
9. aamma 10. marts 2023	Ajarsivasik Qaortu- miittoq	Utoqqaat illuat		6	3	4
11. aamma 12. maj 2023	Angerlarsi- maffik Pal- leq Paamiu- niittoq	Inersimasu- nut tarnik- kut ineriartornermi akornutilin- nut anger- larsimaffik			1	
15. aamma 16. maj 2023	Puilasun- nguit Paamiuniit- toq	Utoqqaat illuat		2	2	2
8. aamma 9. juni 2023	Paaqqinnit- tarfik sam- misassaqa- r-titsivillu Ippiarsuk Nuummiit- toq	Utoqqaat illuat		4	11	13

Utoqqaat illuat Qaortumiittoq

Utoqqaat illuanni Ajarsivasimmi Qaortumiittumi misissuineq siumut ilimasaarutigineqareersimasoq ombudsmandeqarfimmit misissuiartortunit 9. aamma 10. marts 2023-mi ingerlanneqarpoq.

Ilaatigut misissuiartornermi nalunaarusiamit ersersinneqarpoq ombudsmandip paasininnera unaamat, pisortaqtigiit utoqqaat illuata ingerlanneqarnerani pimoorussilutillu soqutiginnilluarneri kiisalu najugaqartunit aamma sulisunit unammillernartut misigineqartartut arajutsisimangimmatigit.

Taamatuttaa q nalunaarusiami aamma ombudsmandimit pissutsit assigiingitsut oqaaseqarfigissallugit pissutissaqalersitsisut eqqartorneqarput. Tamatumunnga ilaatillugu ombudsmandimit naliliisoqarpoq Ajarsivasimmi pisortaqtigiit sulisullu pissaanermik atuisarnek pillugu inatsit malillugu, pissaanermik atuinermi nalunaarutiginnittoqartarsimanginnera aamma nalunaarsuisoqartarsimanginnera malittarisassat malillugit. Tamanna ombudsmandimit isornartutut isumaqarfigineqarpoq, taamaattumillu eqqaasit-sissutigalugu siunissami Ajarsivasimmit qulakkeerneqassamat pissaanermik atuisarnek pillugu inatsimmi malittaritassat malillugit nalunaarsuisoqartalissasoq nalunaarutiginnittoqartalissallunilu.

Tamatuma saniatigut ombudsmandi naliliivoq, pisortaqatigiit sulisullu pissaanermik atuisarneq pillugu inatsimmi malittarisassanik naammattumik ilisimasaqannginneri pilugit.

Ombudsmandimit ilaatigut isornartorsiorneqarpoq Ajarsivimmi eqqiluisaarnermut atattillugu pissaanermik atuisarnerat, puiguttortut immikkoortortaqarfianni kalerrisaarutip atorneqartarnera aamma ineqartumut aalajangersimasumut ataavartumik naleqqersuut nakkutiginninnermut atattillugu atornera, tassani tamatumunnga akuersissummik peqqaarnissaq qulakkeerneqaaarsimanani. Ombudsmandip eqqaasitsissutigivaa pisutsit tamakkua pissaanermik atuisarneq pillugu inatsimmi malittarisassat naapertorlugit aaqqiivigineqassasut.

Palleq Paamiuniittoq

Siumut ilimasaarutaareersumik ombudsmandeqarfimmit misissuiartortut 11. aamma 12. maj 2023-imi Palleq Paamiuniittoq misissuiffigivaat.

Ombudsmandeqarfiup misissuineri nalunaarusiaagallartoq 24. oktober 2023-mi Angerlarsimaffik Pallermut aamma Meeqqat Inuusuttullu pillugit Naalakkersuisoqarfimmut tusarniaassutigivaa.

Ukiup naanerani Ombudsmandeqarfik Meeqqat Inuusuttullu pillugit Naalakkersuisoqarfimmit nalunaarusiaagallartumut oqaaseqaammik tigusaqarsimangilaq. Taamaatumik inaarutaasumik nalunaarusiaq aatsaat 2024-mi saqqummiunneqassaaq.

Puilasunnguit Paamiuniittoq

Siumut ilimasaarutaareersumik ombudsmandeqarfimmit misissuiartortut ulluni 15. aamma 16. maj 2023 Puilasunnguit Paamiuniittoq misissuiffigivaat.

Misissuineri nalunaarusiami ilaatigut erserpoq, ataatsimut isigalugu ombudsmandi isumaqartoq pisortaqatigiit Puilasunnguit ingerlanneqarneranni pimoorussinerat aamma najugaqartut, sulisut ilaqutaasullu unammillernartutut isumaqarfigisaat suliuniutiginearlutik ilisimaarineqartut.

Nalunaarusiamili ombudsmandi aamma pissutsinik oqaaseqarfiginninnissamut pissutissaqalersitsisunik oqaatigisaqarpoq. Tamaalilluni ombudsmandimit oqaaseqarfigineqarlutik ilaatigut Puilasunnguit pisussaaffeqarnerat pissaanermik atuisarnermi inatsisip assilneqarnerata sulisunut tunniunneqarnissaanik, aamma sulisut inatsisip imarisaaanik ilitsersorneqarnissaanik tamannalu uppersarlugi atsiornissaanik.

Ombudsmandip isornartorsiorpaa Puilasunnguanit ilaqutaasoq ininut ataatsimoorfiusartunut isersinnaanerani killilersuisimanera pillugu, kommunemi sumiiffimmi pulaartarnerup killilersorneqalernerata sionratigut tamatumalu kingornatigut kommunalbestyrelsip akuersissutaanik piniaqqaartoqarsimanani. Misissuineri nalunaarusiaagallartoq tunngavigalugu Kommuneqarfik Sermersuumit oqaatigineqarpoq siunisami Puilasunnguit eqqumaffigiumaaraat akuersissutit pingaarutillit piniartarnissaat,

inini ataatsimoorfiusartuni pulaartunik killilersuinerit aallartinneqartillugit. Kommunep oqaaseqaataa ombudsmandimit tusaatissatut tiguneqarpoq allatullu iliuseqaqqinngilaq.

Tamatuma saniatigut ombudsmandimit oqaaseqarfigineqarput ilaatigut sulisoqarniarnikkut unammillernartut, pujortartarnek aamma putsumik najuussisarnek, eqqiluisaarnek, eqqiaaneq kiisalu sammisassaqartitsineq aamma qanilaarneq.

Paaqqinniffik- sammisassaqartitsivillu Ippiarsuk Nuummiittoq

Siumut ilimasaarutaareersumik ombudsmandeqarfimmit misissuiartortut 8. aamma 9. juni 2023-mi utoqqaat illuat sammisassaqartitsivialu Ippiarsuk Nuummiittoq misissuiffigivaat.

Misissuinermit nalunaarusiamit ilaatigut ersersinneqarpoq, ombudsmandip ataatsimut isigalugu Ippiarsuk ajunngitsumik misigisaqarfigigaa. Ombudsmandi isumaqarpoq pi-sortaqatigiit sulisullu sapingisamik pitsaanerpaamik najugaqartunut paaqqutarinnikkusullutillu isumassuerusussuseqartut, kiisalu aamma sapingisaaq tamaat atorlugu najugaqartunut pissaanermik atuinnginnisaaq ukkatarineqarluni.

Taamatuttaaq nalunaarusiami aamma ombudsmandimit pissutsit assigiinngitsut oqaaseqarfigissallugit pissutissaqalersitsisut eqqartorneqarput. Tamatumunnga ilaatillugu ombudsmandimit naliliisoqarluni Ippiarsummi sulisut pissaanermik atuisarneq pillugu inatsit malillugu malittarisassanik naammattumik ilisimasaqannginnerat nalunaarsuisussaataaneq aamma nalunaarutiginnittussaataaneermi pisussaaffinnik assigiinngitsutigit pissaanermik atuinermut atatillugu.

Ombudsmandilli misigisaa unaavoq, Ippiarsuk annertuumik pissaanermik atuffiunngilaq, kisiannili peqatigitillugu ombudsmandimit tunngavigineqartariarluni siusinnerusukkut pisuni aalajangersimasuni pissaanermik atuisoqartarnikummat sulilu taamaattoqartarluni pissaanermik atuisarneq pillugu inatsimmi malittarisassat malillugit tamanna pillugu nalunaarutigineqarneq ajortunik.

Ombudsmandimit isornartutut isumaqarfigineqarpoq aamma eqqaasitsissutigineqarpoq Ippiarsummit qulakkeerneqassasut pisimasut pissaanermik atuffiusut siunissami nalunaarsorneqartalissasut aamma nalunaarutigineqartalissasut malittarisassat pissaanermik atuinermi inatsit naapertorlugu.

Nuummi Dronning Ingridip Napparsimmavissuani Tarnimikkut Nappaatillit immikkoortoqarfiat (2022-mi ingerlanneqartoq)

Siumut ilimasaarutaareersumik ombudsmandeqarfimmit misissuiartortut 6. aamma 7. september 2023-mi OPCAT atorlugu Dronning Ingridip Napparsimmavissuani Tarnimikkut Nappaatillit immikkoortoqarfiat Nuummiittoq misissuiffigivaat.

Ombudsmandip ataatsimut isigalugu misigisaa unaavoq, sulisut atugassarissarititaasut iluanni A1-imi uninngasut ilisimasat tamaasa atorlugit katsorsaaniarsarinerat, aamma

immikkoortorta qarfirmi pisussaaffitsigut ilaatigullu ilinniakkatigut imminut sinnerluni iliornikkut. Tamannalu tunngavigalugu ombudsmandi A1-imi sulisunut annertuumik nersuaalarivoq taamatut isiginnillutik suleriaaseqarnerat pillugu.

Kisiannili aamma misissuinermit pissutsinik ombudsmandi pissutissaqarpoq oqaaseqaateqarnissaminut, ilaatigut avatangiisitigut atugassarititaasutigut, sulisoqarnikkut, pinngitsaaliissummik iliuseqarnikkut immersugassat immersorneqartanginneri il.il. pillugit.

Tarnimikkut Nappaatillit Immikkoortorta qarfiat A1 aamma Peqqissutsimut Naalakkersuisoqarfik nalunaarusiap avammut saqqummiunneqannginnerani periarfissaqar-nikuupput nalunaarusiaagallartup oqaaseqaateqarfiginissaanut.

Tamanna tunngavigalugu suliaq OPCAT atorlugu tarnimikkut nappaatillit immikkoortor-ta qarfianni A1-imi misissuineq ombudsmandimit naammassineqartutut isigineqarpoq.

Puilasoq Qasigianguaniittoq (2022-mi ingerlanneqartoq)

Siunut ilimasaarutaareersumik ombudsmandeqarfirmi misissuiartortut 26. aamma 27. april 2022-mi Puilasoq Qasigianguaniittoq misissuiffigivaat.

Misissuinermit nalunaarusiamit ilaatigut ersersinneqarpoq, ombudsmandip ataatsimut isigalugu Puilasoq ajungitsumik misigisaqarfigigaa. Ombudsmandip ataatsimut isigalugu misigisaa unaavoq, Puilasoq najugaqartunut toqqissisimanartumik neqeroorute-qartoq. Najugaqartut misissuiartortunit oqaloqatigineqartut Puilasumi najugaqarner-tik nuannaralugu oqaatigaat. Misissuiartortunit angerlarsimaffik sulisut najugaqartullu akunneranni persuarsionnangitsutut angerlarsimaffippalaartutullu maluginiarneqar-poq.

Ombudsmandimit pissutsit assigiinngitsut nalunaarusiami oqaaseqarfigineqarnissaan-ut pissutissaqalersitsipput. Tamatumunnga ilaatinneqarpoq ombudsmandip ataasiak-kaatigut pissaanermik atuisarneq pillugu inatsimmik angerlarsimaffiup sulisunut tun-niussisarnera. Tamatuma saniatigut ombudsmandi oqaaseqaateqarpoq angerlarsimaf-fiup illup iluani malittarisassai pillugit, ilaatinneqarlutik oqarasuaatit aamma tablesit atorneqartarnerini malittarisassat.

Puilasoq aamma Kommuni Qeqertalik misissuinermi nalunaarusiaagallartumut oqaase-qaateqarput. Oqaaseqaatigineqartut ombudsmandimit imatut paasineqarput, Puilasup aamma kommuni Qeqertaliup ombudsmandimit oqaaseqaatigineqartut tusaatissatut tiguneqartut.

Tamanna tunngavigalugu suliaq Puilasumi misissuineq ombudsmandimit naammassine-qartutut isigineqarpoq.



TIKERAARNERIT ANGALANERILLU

Utoqqaat illuanni Ajarsivasimmi Qaqortumiittumi misissuineq

Misissuiartortitat utoqqaat illuanni Ajarsivasimmi Qaqortumiittumi siumut ilimasaarutaareersutut misissuineq 9. aamma 10. marts 2023-mi ingerlappaat.

Qaqortumi paasisitsiniaaneq

Qaqortumi innuttaasut Inatsisartut Ombudsmandeqarfiani sulisuma pingasut oqaloqatiginissaannut 12. marts 2023-mi periarfissaqarput.

Qaqortumi ilinniartitsineq

Sulisut Kommuneqarfik Kujallermi pisortanut sulisunullu ingerlatsinnermut inatsit pillugu 13. marts 2023-mi pikkorissaassutigivaat.

Paamiuni paasisitsiniaaneq

Paamiuni innuttaasut Inatsisartut Ombudsmandeqarfiani sulisut oqaloqatiginissaannut 10. maj 2023-mi periarfissaqarput.

Pallermi Paamiuniittumi misissuineq

Misissuiartortitat Pallermi Paamiuniittumi siumut ilimasaarutaareersutut misissuineq 11. aamma 12. maj 2023-mi ingerlappaat.

Puilasunnguani Paamiuniittumi misissuineq

Misissuiartortitat Puilasunnguani Paamiuniittumi siumut ilimasaarutaareersutut misissuineq 15. aamma 16. maj 2023-mi ingerlappaat.

Qallunaat Nunaanni Isumaginninnermut-, Ineqarnermut- aamma Utoqqarnut ministerimik ataatsimeeqateqarneq

Qallunaat Nunaanni Isumaginninnermut-, Ineqarnermut- aamma Utoqqarnut ministerip aamma Kalaallit Nunaanni Naalagaaffiup Sinniisoqarfia paasisassarsiorlutik angalanerannut atatillugu Ombudsmandip sulinera pillugu paasisaqarnerorusussimasoq 22. maj 2023-mi ataatsimeeqatigineqarpoq.

Ippiarsummi Nuummiittumi misissuineq

Misissuiartortitat Ippiarsummi Nuummiittumi siumut ilimasaarutaareersutut misissuineq 8. aamma 9. juni 2023-mi ingerlappaat.

Paasisitsiniaaneq

Sulisuma ilaat marluk paasisitsiniaanermi 2. - 13. september 2023 ingerlanneqartumi Sulisilluni Ajoqusernerit pillugit Sullissivimmit aaqqissuunneqartumi peqataapput. Tasani ilaatigut Atuisoqarnermut unammilleqatigiinnermullu Aqutsisoqarfik Atuisoq, NAPA aamma Oceans North Kalaallit Nunaat peqataallutik. Paasisitsiniaaneq umiarsuarmik ingerlanneqarpoq kujataanut Paamiut, Qassimiut, Igaliku, Narsarsuaq, Qassiarsuk,

Narsaq, Qaqortoq, Tasiusaq, Nanortalik, Alluitsup Paa, Ammassivik, Saarloq, Eqalugaarsuit, Arsuk Qeqertarsuatsiaallu aqqusaarneqarlutik, katillugit illoqarfiit nunaqarfiillu 15-it. Tikinneqartuni tamani ombudsmandi sulisuisa oqaloqatigineqarnissaannut periarfissaqartarpoq. Innuttaasut 7-it ilitersortinniarlutik saaffiginnippat, naammagit-taalliuutillu 13-it tunniunneqarlutik.

Ombudsmanditaaq

Ombudsmandiusimasoq Vera Leth julip naanerani 2023 soraarninngorpoq tamanna pil-lugu ombudsmandeqarnermi inatsimmi malittarisassat tunngavigalugit. Inatsisartunit Gedion Jeremiassen 31. maj 2023-mi ombudsmandinngortutut toqqarpaat 1. august 2023-mi sulilersussatut.

Dansk advokatsamfundimik ataatsimeeqateqarneq

Dansk advokatsamfundip paasisassarsiorlutik angalanerannut atatillugu Ombudsman-dip sulinera pillugu paasisaqarnerorusussimasoq 22. august 2023-mi ombudsmandi ataatsimeeqateqarpoq.

Nunat avannarliit allaffissornermi pisortaasa ataatsimiinnerat

Sulisut nunat avannarliit allaffissornermi pisortaasa Oslomi ataatsimiinnerat peqa-taaffigivaat, allaffissornermi pisortat Islandimit, Savalimmiunit, Danmarkimit, Norge-mit, Sverigemit aamma Finlandimit 24. aamma 25. august 2023-mi ataatsimiineranni peqataaffigineqartumik.

Folketingip Ombudsmandianik ataatsimeeqateqarneq

Ombudsmandimit Folketingip Ombudsmandia, Niels Fenger 12. september 2023 ataatsimeeqatigineqarpoq.

Inatsisinut Ataatsimiititaliamik ataatsimeeqateqarneq

Inatsisartut Inatsisinut Ataatsimiititaliaat 20. oktober 2023 ataatsimeeqatigineqar-poq, tassani ataatsimiititaliaq sammisanut 2022-mi nalunaarusiami oqaatigineqartut pillugit ilisimatinneqarpoq, taamatullu maannakkut ajornartorsiutit unamminartullu ingerlatsinermut tunngassuteqartut eqqartorneqarlutik.





Ombudsmandeqarfimmi sulisut marluk Kujataani Sulisilluni Ajoqusernerit pillugit Sullissiviup paasisit-siniaanermik aaqqissugaanut peqataapput.

Anja Rindom Bøndergaard fuldmægtigit atorfimminit 2023-mi februarip qaammataata naanerani tunuarpoq.

Lene Knüppel fuldmægtigit atorfimminit 2023-mi majip qaammataata naanerani tunuarpoq.

Jørgen Hansen oqalutsit pisortaattut atorfimminit 2023-mi julip qaammataata naanerani pensionerpoq.

Vera Leth ombudsmanditut atorfimminit 2023-mi julip qaammataata naanerani pensionerpoq.

Gedion Jeremiassen 1. august 2023-mit ombudsmanditut ivertinneqarpoq.

Gerda Kreutzmann oqalutsit atorfimminit 2023-mi augustip naanerani tunuarpoq.

Rasmus Jensen 1. september 2023-mit fuldmægtigit atorfimminit. Rasmus Jensen Københavns Universitetimit inatsisilerituut kandidatiuvoq.

Karoline Lyberth 1. september 2023-mit oqalutsit pisortaattut atorfimminit.

Pipaluk Nielsen Karlsen 1. november 2023-mit oqalutsit atorfimminit.

Hanne Heilmann 1. december 2023-mit oqalutsit atorfimminit.

Ombudsmandeqarfimmi ukiup naanerani uku sulisorineqarput:

Inatsisilerinermi pisortaq Kim Blokbo

Oqalutsit pisortaat Karoline Lyberth

Immikkut siunnersorti Henrik Bach

Immikkut siunnersorti Lili Rasmussen

Immikkut siunnersorti Maliina L. Hansen

Immikkut siunnersorti Monica Schnügger

Fuldmægtig Rasmus Jensen

Oqalutsi Pipaluk Nielsen Karlsen

Oqalutsi Hanne Heilmann

Kontorfuldmægtigi Alice Møller



KISITSIT ATORLUGIT TAKUSSUTISSIAT


Kapitali manna 2023-mi Ombudsmandip sulianik suliarinninnerani kisitsisinik pingaarnernik imaqarpoq. Ukiut nalunaarusiuunneqartut siuliini sisamani kisitsisit sanilliuunneqarsinnaasut takutinneqartut.

2023-MI SULIAT NUTAAT


Naammagittaalliuutitut suliat pilersinneqartut	299
Namineerluni misissuiffiginnertut suliat pilersinneqartut	6
Katillugit	305

Misissuinerit ingerlanneqartut	4
Ilitersuinerit	250


Naammagittaalliuutitut suliat pilersinneqartut




Namineerluni misissuiffiginnertut suliat pilersinneqartut



Misissuinerit ingerlanneqartut



Ilitsersuinerit



SULIAT 2023-MI INERLUGIT SULIARINEQARTUT

Naatsorsukkat tulliuttut sulianik 2023-mi inerlugit suliarineqartunik tunngaveqarput. Taamaalillutik naatsorsukkat taakku sulianut inerlugit suliarineqartunut 2023-mi ukiunilu nalunaarusiuunneqartuni siusinnerusuni tiguneqarsimasinnaasunut tunngasuupput.

Suliat imatut inerneqarput:


Ombudsmandi misissuinermik aallartitsivoq	
Isornartorsiuinerit, inassutit il.il.	8
Isornartorsuisoqanngilaq, inassuteqartoqanngilaq il.il., matumani oqartussaasup suliarinneqqilernerana pissutigalugu	15



Ombudsmandip innuttaasoq ingerlariaqqinnerani ikiorpaa	162
---	-----

Ombudsmandip naammagittaalliut misissuataarppaa, sukumiinerusumilli misissuinani, innuttaasorlu ingerlariaqqinnerani ikiorsinnaanagu	72
---	----

Piumasaqaatinik eqqortitsinnginneq pissutigalugu itigartitsinerit	
Naammagittaalliut kingusinaarluni tunniunneqarpoq	2
Naammagittaalliornissamut periarfissat allat atorpeqarsimangillat, Ombudsmandillu innuttaasoq ingerlariaqqinnerani ikiorsinnaanngilaa	3
Naammagittaalliut Inatsisartunut, eqqartuussivinnut, naalagaaffimmi oqartussaasunut allanulluunniit Ombudsmandip pisinnaatitaanerani pineqartunut ilaatinneqanngitsunut tunngasuuvuq	17
Naammagittaalliut tunuartinneqarpoq naammagittaalliortorluunniit Ombudsmandip saaffiginnissutaanut qisuariangilaq	15
Ombudsmandi suliap suliarineqarnerani peqataasinnaassuseqannginnerarpoq	6
Kinaassuseq isertuullugu naammagittaalliutit	0

Suliat inerlugit suliarineqartut katillugit	300
Taakkunannga nammieerluni misissuiffiginninnerit	6



Naammagittaalliutitut suliat inerlugit sularineqartut**Namineerluni misissuiffiginninnerit inerlugit sularineqartut**

Taaguutit sunut tunngasuuppat?

Ombudsmandi misissuinermik aallartitsivoq

Tassani suliat Ombudsmandip misissuiffigisimasai aamma soorlu suliami allagaatinik aamma/imaluunniit oqaaseqaammik oqartussaasumit naammagittaalliummi pineqartumit pissarsiniarfigisimasai ilaapput.

Ombudsmandip innuttaasoq ingerlariaqqinnerani ikiorpaa

Tassani suliat Ombudsmandip misissuinermik aallartitsinngikkaluarluni suliarisimasai ilaapput. Taakku assersuutigalugu tassaapput suliat oqartussaasumut susassaartumut siullermik suliarisassanngorlugit nassiunneqarnissaat eqqornerpaasutut Ombudsmandip isigisai. Taakkunani suliat assersuutigalugu oqartussaasumi inerlugit suliarineqarsimanngitsut aamma suliat naammagittaalliortup tunngavilersuutai (tamaasa) oqartussaasup isummerfigissallugit periarfissaqarfisimanngisai ilaapput. Taakkunani suliat oqartussaasumut qulliunerusumut naammagittaalliornissamut periarfissallit Ombudsmandillu oqartussaasumut qulliunerusumut naammagittaalliorfissamut ingerlateqqillugit nassiussai aamma ilaapput.

Ombudsmandip naammagittaalliuut misissorpaa, sukumiinerusumilli misissuinani, innuttaasorlu ingerlariaqqinnerani ikiorsinnaanagu

Tassani suliat misissuinermik aallartitsinermut allatulluunniit suliarinninnissamut pisutissaqalersitsinngitsut ilaapput. Taakku assersuutigalugu tassaapput suliat uppernarsaatnik naliliiviginninnermik imaqarneri erseqqissut, ingerlatsiviup inuit ataasiakkaat pillugit inatsiseqartitsineq tunngavigalugu sulinerinnaannut tunngasut, suliat suulluannngitsut, suliat naalakkersuinnikkut siunertanik imaqartut sulialluunniit isornartorsiuinissaq innuuttaasumilluunniit inatsiseqartitsinikkut pitsaanerusumik inissisimalersitsilluni ikiuisinnaaneq ilimananngitsoq naammagittaalliuut aallaavigalugu takuneqarsinnaasut.

Kikkut naammagittaalliutiginartut suliallu Ombudsmandeqarfimmi qanoq inernerarnerat ataani naatsorsuinerit takutippaat.

Kikkut naammagittaalliutiginerqarpat ¹	Misissuinerit		Ombudsmandip innuttaasoq ingerlariaqqinnerani ikiorpaa	Ombudsmandip naammagittaalliut misissorpaa, sukumiinerusumilli misissuinani, innuttaasorlu ingerlariaqqinnerani ikiorsinnaanagu	Piumasaqaatinik eqqortitsinnginneq pissutigalugu itigartitsinerit
	Isornartorsiuneq il.il.	Isornartorsiuisoqanngilaq il. il.			
Kommuni ataaseq arlallilluunniit ²	7	12	125	46	20
Kommunet				1	
Nakkutilliisoqarfiat					
Aningaasaqarnermut Naligiissitaanermullu Naalakkersuisoqarfik			1	1	
Aalisarnermut, Piniarnermullu Naalakkersuisoqarfik	1		1	5	
Peqqinnissamut Naalakkersuisoqarfik			1		
Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik			1	3	
Naalakkersuisut Siulittaasua-ta Naalakkersuisoqarfia			1	1	
Nunalerinermut, Imminut Pilersornermut, Nukissiutinut Avatangiisinullu			1		
Ineqarnermut Attaveqaasersuutinullu Naalakkersuisoqarfik				1	
Meeqqanut, Inuusuttunut Ilaqutariinnullu Naalakkersuisoqarfik		1			1

¹ Tabelit kikkut naammagittaalliutiginerqarnerannik takutitsisut Naalakkersuisoqarfinnut ukiup naanerani piusunut agguataarsimapput. Suliat inaarlugit suliarineqartut oqartussaasunut suliaqqarfimmut allamut nuussimasunut atorunnaarsinneqarsimasunulluunniit imaluunniit Naalakkersuisoqarfiup pisinnaatitaanerup ukiup naanerani inissisimaffigisaata ataaniittunut tunngasuupput.

² Kommunit assigiingitsut pillugit suliat tamarmik ataatsimut naatsorsorneqarput. Tamanna naammagittaalliortup kinaassusianik isertussiinnarsinnaasariaqarnerup isiginiarneqarneranik pissuteqarpoq.

Isumaginninnermut, Suliffeqarnermut Nunamullu Namminermut Naalakkersuisoqarfik				1	
Oqartussaasut allat il.il. Ombudsmandip pisin naatiaanerani pineqartunut ilaatinneqartut			8		2
Isumaginninnermi Naammagittaalliuteqartarfik				1	1
Ilisimatusarfik			1		
INI A/S			2	3	4
Ilinniartut Ineqarfiisa Allaffeqarfiat		1			
Akilerarusiinernik Aalajangiisartut				1	
Akilaartarnermik Aqutsisoqarfik			8	3	1
Isumaginninnerik Aqutsisoqarfik		1	1		
Aningaasaqarnermik Sulisoqarnermillu Aqutsisoqarfik			2	1	1
Peqqinnissaqarfik, matumani Kal. Nunaanni napparsimmaviit il.il. eqqarsaatigalugit			9		
Oqartussaasup suup naammagittaalliutigineqarnera paasiuminaappoq				3	1
Oqartussaasut il.il. Ombudsmandip pisinnaatiaanerani pineqartunut ilaatinneqanngitsut				1	12

SULIAT SUNUT TUNNGASUUPPAT?


Kikkut naammagittaalliutigineqarnerisa suliallu qanoq inerneqarnerisa agguataarneqarnerat ataani naatsorsuinermi takutinneqarpoq.

Kina naammagittaalliutigineqarpa	Aalajangiinerit ataa-siakkaat	Pissusilersorneq, ingerlatsinermik suliqaqarnivik	Piffissaq suliamik suliarrinninnermut atornerqartoq	Sulianik suliarrinninneq	Allat
Avannaata Kommunia	3	2	17	7	5
Kommuni Kujalleq	6		20	4	2
Kommuneqarfik Sermersooq	25	2	31	12	8
Kommuni Qeqertalik	10	2	16	10	1
Qeqqata Kommunia	3	1	12	10	1
Kommuneqarfik Nakkutilliisoqarfiat			1		
Aningaasaqarnermut Nali-giissitaanermullu Naalakkersuisoqarfik	1		1		
Aalisarnermut, Piniarnermullu Naalakkersuisoqarfik	4			1	2
Peqqissutsimut Naalakkersuisoqarfik			1		
Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik	1		1		2
Naalakkersuisut Siulittaasuata Naalakkersuisoqarfia					1
Nunalerinermut, Imminut Pilersornermut, Nukissiutinut Avatangiisinillu Naalakkersuisoqarfik			1		
Ineqarnermut Attaveqaasersuinernullu Naalakkersuisoqarfik			1		
Meeqqanut, Innusuttunut Ilaqutariinnullu Naalakkersuisoqarfik			1		1
Isumaginninnermut, Suliffeqarnermut Nunamullu Namminerimut Naalakkersuisoqarfik	1				

Oqartussaasut allat il.il. Ombudsmandip pisinnaati-taanerani pineqartunut ilaatinneqartut	3	3	2	1	1
Isumaginninnermi Naammagittaalliuteqartarfik	2				
Ilisimatusarfik				1	
INI A/S	1	3	1	2	2
Ilinniartut Ineqarfiisa Allaf-feqarffiat	1				
Akilerarusiinernik Aalajangiisartut	1				
Akilerartarnermik Aqutsisoqarfik	3		2	6	1
Isumaginninnermik Aqutsisoqarfik	1				1
Aningaasaqarnermik Sulisoqarnermillu Aqutsisoqarfik			1	2	1
Peqqinnissaqarfik, matu-mani Kal. Nunaanni napparsimmaviit il.il. eqqarsaatigalugit	1	1	2	3	2
Oqartussaasup suup naam-magittaalliutigineqarnera paasiuminaappoq			1	1	3
Oqartussaasut il.il. Ombudsmandip pisinnaati-taanerani pineqartunut ilaatinneqanngitsut	1		2	1	9

KATILLUGIT:

Aalajangiinerit ataasiakkaat	68
Pissusilersorneq, ingerlatsinermik suliaqarnivik	14
Piffissaq suliamik suliarinninnermut atorneqartoq	114
Sulianik suliarinninneq	61
Allat	43



Kukkunerit sumiginnaanerilluuniit annertunerusut

Pisortat ingerlatsivianni annertunerusumik kukkussuteqartoqarsimanissaa imaluunniit sumiginnaasoqarsimanissaa ilimagisariaqartoq Ombudsmandip suliamik misissuinerata takutippagu, Ombudsmandi suliaq pillugu Inatsisartut Inatsisinut Ataatsimiititaliaannut tamatumunngalu peqatigitillugu Naalakkersuisunut imaluunniit kommunalbestyrelsimut nalunaaruteqassaaq.

Tamanna Ombudsmandi pillugu inatsimmi § 23-kkut aalajangersarneqarpoq.

Ombudsmandi 2023-mi Ombudsmandi pillugu inatsimmi § 23 tunngavigalugu arfinile-riarluni nalunaaruteqarpoq.

Nalunnaarutit arfinillit taakku oqartussasunut ukununnga tunngasuupput:

- Qeqqata Kommunia (piffissaq suliaq suliarineqarneranut atorneqartoq akuerineqarsinnaangitsoq, tak. imm. 3.1)
- Aalisarnermut Piniarnermullu Naalakkersuisoqarfik (akuersissummik itigartitsineq, tak. imm. 3.2)
- Qeqqata Kommunia (inissiinermik atuutsitsinnginneq, tak. imm. 3.5)
- Kommune Kujalleq (akuersissutitaqanngitsumik utoqqaat illuannut inissiineq, tak. imm. 3.6)
- Meeqqanut, Inuusuttunut Ilaqutariinnullu Naalakkersuisoqarfik (nuna tamakkerlugu nalunaaruteqartarfik, tak. imm. 4.2)
- Kommune Kujalleq (ombudsmandip saaffiginnissutaanut suliaq suliarineqarnerani piffissaq atorneqartoq)

Suliat Ombudsmandimut taartaasartup suliarisai

Ombudsmandi 2023-mi suliani arfinilinni suliamik suliarinninnermi peqataasinnaassuseqarani nalunaarpoq, taamaattumillu Inatsisartut Inatsisinut Ataatsimiititaliaata suliaq taanna Ombudsmandimut taartaasartumut, ukiumi nalunaarusiuunneqartumi 2023-mi Folketingip Ombudsmandianut, suliarisassanngortillugu ingerlateqqillugu nassiup-paa.

2023-mi ombudsmandimut taartaasartumit suliat tallimat naammassineqarput.